



W. H. Phelps

1858

1858

Gentle





**SPECIMEN LITERARIUM INAUGURALE**





163 14

SPECIMEN LITERARIUM INAUGURALE,

QUO

ORATIO PHILIPPICA QUARTA

DEMOSTHENI ABIUDICATUR;

QUOD,

FAVENTE SUMMO NUMINE,

EX AUCTORITATE

RECTORIS MAGNIFICI

PETRI DRIESSEN,

Med. Prof. Ord.

ET

CONSENTIENTE FACULTATE PHILOSOPHIAE

THEORETICAE ET LITERARUM

HUMANIORUM,

PRO GRADU DOCTORATUS,


*in Philosophia Theoretica et Literis Humanioribus, rite ac legitime capessendis,*

ERUDITORUM DISCEPTATIONI SUBMITTIT

WILHELMUS HUBARTUS VERSTEEG,

Rector Gymnasii Drususburgensis,

a. d. VI Aprilis MDCCCXVIII. Hora XI.



GRONINGAE,

apud R. J. SCHIERBEEK, Bibliopolam.



VIRIS AMPLISSIMIS

*GYMNASII DRUSIBURGENSIS*

CURATORIBUS,

EVERHARDO ALEXANDRO VERHUELL,

I. U. D.

IOANNI ANDREAE TENGBERGEN,

I. U. D.

MAGISTRATUUM DRUSIBURGENSIIUM

PRAESIDIBUS.

ET

E T

HENRICO THEODORO HOOGEVEEN,

MED. DOCT.,

URBIS DRUSIBURGENSIS ARCHIATRO,

OBSERVANTIAE CAUSA,


D. D. D.

AUCTOR.

*PRAE-*



## P R A E F A T I O.



*Quum, ex decreto optimi Regis nostri omnes, qui Literas Humaniores publice tradituri sunt, Doctoratus Philosophiae Theoreticae et Literarum Humaniorum gradum capessere oporteat, ego ea lege atque conditione primum Scholae Latinae Vadenſi, nunc Gymnaſio publico Drusiſiburgenſi praefectus ſum, ut quam primum Doctoris gradum conſequerer.*

*Non erubesco fateri, me per diu haefitaſſe in materia Speciminis Literarii Inauguralis eligenda, quae vires meas non excederet, et propoſito tamen aliquatenus ſatiſfaceret. Literis enim deſtinatus, a medio curſu, Academia Harderovicena exſtincta et infeliſſimorum temporum calamitate, revocatus, Amſtelodami in aliis negotiis, cum hiſce li-*  
*te-*



teris nihil quidquam commune habentibus, per quatuor annos ita versatus sum, ut non nisi paucas horas subsecivas ad animi oblectamentum iis dare potuerim. Patria vero restituta, amicis meis suadentibus, in primis vero auctore Jano Ten Brink V.C. praeceptore carissimo, novo cum ardore in literas incubui, quantum per caetera negotia licuit. Tum id fortunae habui, ut eiusdem Viri commendatione Davides Jacobus van Lennep V.C. me ad sodalitium, in quo semel per hebdomada discipulis provectoribus auctores Graecos et Latinos domi suae explicat, humane admiserit; pro quo beneficio huic Viro, meo praeconio maiori, publice gratias ago habeoque. — Quum igitur incertus haererem de descriptionis argumento, forte incidi in Orationem celeberrimi Viri L. C. Valckenaerii de Philippi Amyntiadae virtutibus, rebus gestis, causis externis fractae libertatis Graeciae; ubi in annotatione quadam(\*) dicit Vir summus: „Demosthen. de Chersf. p, 55, § 14. οὐδὲν καὶ κατ. Et haec et alia permulta ad verbum eadem  
le-

---

(\*) p. 251.



leguntur in quarta Philippica, quae mihi quidem ex Demosthenis ab alia mani videtur conflata.” Haec sententia in Prolegomenis ad Orationem Leptineam ex recensione Fred. Aug. Wolfii V.C. his verbis repetita est: „certe locus in Ph. IV, p. 100 E, ubi vectigalia civitatis 150 talentum non superare dicuntur, ad superiora tempora pertinet, si qua omnino fides est Orationi illi, quam Orationem Valckenaeus, plane me probante, suspectam habet (†).”

Primum quidem mirabar, quare argumenta hanc sententiam probantia non adiecisent Duumviri; deinde vero animum induxi, ut crederem, summis Viris non tanti visum fuisse, ut rem sibi penitus perspectam multis rationibus demonstrarent. — Me vero non inutilem operam impensurum existinavi, si, pro viribus, causas explicare conarer, propter quas Viri Clarissimi Orationem, quae Philippica quarta dicitur, Demostheni abiudicaverint. — Equidem non im-

---

(†) LUCCHESINI Philippicam IV. vocat *Emblema vermiculatum*.





*immemor sum, eorum, quae dixit Taylorus Vir doctissimus ad Aeschinis Epistolas, cuius verba hic addere placet. „Probe scio, rem esse omnium difficillimam, disputare de his fallaciis, quae ab aliorum aut fraude, aut nimio otio profectae, aetati nostrae obtruduntur: novi, quam lubrico in loco versetur ille, qui id elaborat, ut alium de genere Orationis, de characterē dicendi, de verborum sententiarumque luminibus, ea persentiscere adducat, quae ipse secum experiatur; sibi licet non solum persuadeat, verum etiam medullitus concipiat, penitusque et totus ad eum sensum sententiamque componatur. Non quod, quum de stylo auctoris, de scribendi meditandique genere, de sententiarum pondere et gravitate, de colore Orationis, caeterisque id genus disputes, levissimam eam confirmandi rationem esse crediderim, aut potius non in ea vim esse maximam; verum, quum de iis in publicum disferas, ea disputatio auditores postulat (id quod non semper fieri solet) eodem litterarum genere excultos, ad eiusmodi studia et*  
cri-



*crisin, auribus, sensu et iudicio confirmatos, usu denique exercitatos, atque eo demum otio abundantes, quo ipse fueris, qui istos auctores edidicisti, atque in iis quasi expendendis fuisses innutritus."*

*Haec vero non ad meum spectant propositum, quippe qui versor in argumento, quamvis ad criticam, quae sublimior dicitur, pertinente, attamen tam facili, ut neque iudicium subactum, neque magnam eruditionem desideret, sed rationibus probabilibus, maxime ab historia petitis, probabiliter tractari possit. Lectores igitur serena fronte hunc libellum accipiant velim, et simul cogitent, illum non ab auctore conscriptum esse, ut sibi famam pareret, sed ut legi et necessitati obtemperaret.*

*Antequam finem huic praefationi imponam, mihi grati animi officium praestandum est Praeceptoris carissimo Jano ten Brink V.C. antea Academiae Harderovicenae, nunc Groninganae Professori, qui tanta in me beneficia contulit, quae mihi nunquam memoria excident. Spero fore, ut diu ad magnam*



*gnum literarum emolumentum vivat, et cum uxore et liberis iucundissimam vitam agat. Neque etiam praetermittere possum, quin Viris praestantissimis, qui Gymnasio publico Vesaliensi praefecti sunt in primis vero huius Gymnasii Directori, J. C. Alb. Eichelbergio Med. D. Viro eruditissimo quam maximas gratias agam pro bona institutione, pro amicitia, qua me hospitem, perinde atque civis essem, dignati sunt. Caeterum valeas, benevole Lector! mihi que faveas.*





# CONSPECTUS.



De tempore, quo Philippica

Quarta, si genuina Demosthe-  
nis oratio foret, habita esset,  
rerum cum Macedonum re-  
gis, tum Atheniensium habita

ratione . . . . . pag. 1 ad pag. 6.

Argumentum . . . . . — 6 — — 27.

*Θεωρινὰ* . . . . . — 28 — — 45.

Historica . . . . . — 46 — — 56.

Orationis nexus internus . . — 56 — — 64.

Loca ex aliis Demosthenis Orati-  
onibus in Philippicam Quartam

translata . . . . . — 64 — — 67.

Aliae Demosthenis Orationes, de  
quarum auctoritate cum a ve-  
teribus tum a recentioribus du-

bitatum est . . . . . — 68 — — 74.







DE TEMPORE, QUO PHILIPPICA QUARTA, SI GE-  
NUINA DEMOSTHENIS ORATIO FORET, HABITA  
ESSET, RERUM CUM MACEDONUM REGIS,  
TUM ATHENIENSIVM HABITA RATIONE.

Nulla de rebus publicis oratio probe intelligi potest, nisi omnia, quae Orator respexit, penitus cognoscantur. Itaque mihi orationem Philippicam quartam Demostheni abiudicanti necesse visum est, ut, priusquam rem ipsam aggrederer, res tam civitatum Graeciae, in primis Atheniensium, quam Philippi Regis Macedonum, ad historiae fidem Lectoribus ante oculos ponerem.

Non laeta quidem rerum facies sese nobis offeret; aurea enim illa Graeciae aetas iam

A

diu



diu praeterlapsa erat. Quum Demosthenes ad remp. Atheniensium accederet, cives eius plane a maiorum virtutibus desciverant.

Olyntho deleta anno primo Olympiadis cviii, Philippus Atheniensibus (qui cum eo ab anno tertio Olympiadis cv de Amphipoli bellum gesserant) pacem offert, quae et convenit anno sequenti die octavo mensis Llaphebolion (Martis.)

Eodem anno Macedorum Rex, Cersoblepte Thraciae Rege devicto, Phocenses, quibuscum iam nonnum annum fere omnes maiores Graeciae civitates, praeter Atheniensium, bellum sacrum libertati totius Graeciae infestissimum gerebant, Thesalorum ope opprimit, omnes Phocidis oppida devastat et Thermopylas obsidet. Eiusdem Olympiadis anno tertio Philippus cum Atheniensibus expugnationem Phocidis communicat, eosque rogat, ut ipsum inter Amphictyonas recipi patiantur; quae ut faciant, Demosthenes auctor est in Oratione de pace. Amphictyonum decreto Atheniensibus προμαντεία, ius primum oracula consulendi, adimitur et Philippo traditur. Regis studiosi

Me-

Megara potiri conantur. Alia factio auxilium petit ab Athenienſibus, quo facto Phocion ad Philippi conſilia fruſtranda dimittitur. Demosthenes cum caeteris legatis Meſſenam proficiſcitur ibique pacem componit Meſſenios inter et Lacedaemonios. Totam deinceps peragrat Peloponneſum et ubique Philippum ſuſpectum reddit. Anno primo Olympiadis cix Demosthenes certiores facit Athenienſes, ſe legationem in Peloponneſum perfeciſſe. Philippus rurfus bellum gerit cum Illyriis, eorumque regionem devastat. Etiam in Theſſaliam rurfus proficiſcitur, auget claſſem et piratas perſequitur in mari Aegeo; ſimul Athenienſes excitat, ut ſuam claſſem cum ipſius claſſe eodem conſilio coniungant, quod hi, ſe maris dominos exiſtimantes, cum ſaſtu recuſant. Sequenti anno Philippus inſulam Haloneſum, piratae Soſtrato ereptam, Athenienſibus dono offert. Auctor orationis de Haloneſo civibus ſuadet, ut inſulam dono accipere nolint, ſed eam tanquam legitimam civitatis poſſeſſionem a Rege expoſcant. Thraciae Rex Cerſobleptes, a Philippo per inducias, quas cum Athenienſibus habebat,

quam celerrime perdomitus, se in libertatem vindicare studet. Philippus igitur eius regnum invadit, eo consilio, ut Cersoblepten imperio deiciat, seque ipsum totius Thraciae orae maritimae dominum reddat. Quibus conatibus obstitit Diopithes dux colonorum, quos tunc temporis Athenienses in Chersonesum miserant. Hic sponte sua audent Cersoblepti auxilium ferre et Philippo bellum inferre. Subsequitur enim exercitum Macedonicum per oram Propontidis, nonnullas urbes devastat, omnesque naves Macedonicas, quotquot earum consequi potest, subducit. Athenis Macedonum Regis amici quidem illum acerbè reprehendunt, Demosthenes vero caeterique patriae amantes illum defendunt, civibusque adeo suadent, ut illius exercitum angeant. In Oratione de Chersoneso, Demosthenes populo necessitatem et utilitatem eorum, quae a Diopithe erant gesta, probat, ita ut Athenienses haud obscure significarent, Cersoblepten, civem Atheniensem, a Philippi dominatione tutum esse oportere.

Hisce compertis Diopithes palam profitetur,  
se



se ab Atheniensibus iussum esse, Regem armis aggredi; simul omnem dat operam, ut exercitus augeatur, et cum Byzantinis foedus init. Hunc animorum apud cives suos motum Demosthenes magis etiam incitat egregia Oratione Philippica tertia, in qua omnem eloquentiae vim ad civium animos movendos et contra Philipum irritandos expromit. Ostendit illis pericula, in quibus etiam pacis tempore propter Regis inexplebilem dominandi libitinem versentur; unam ait viam salutis esse reliquam, novum scilicet certamen cum tyranno, qui iam diu pacem ruperit.

Hoc tempore plura evenerant Atheniensibus prospera, quae illis aliquam futuri successus spem in bello cum Philippo afferrent. In insula Euboea prope Atticam Philippus iam diu habebat amicos, eiusque copiae insulam occupaverant, ad tuendos civitatum tyrannos, quos Philippus invitis Atheniensibus instituerat. Illo bellum gerente cum Thracibus, Athenienses, auctore Demosthene, repente opprimunt Euboeam, et, tyrannis eorumque satellitibus expulsis, civitates in libertatem vindicant.

Brevi tempore post Macedonum Rex primum Perinthum, tum inde repulsus Byzantium expugnare volebat. Hoc tempore Demosthenis Oratio, quae Philippica quarta dicitur, habita esset, si germana existimaretur. Ita narrat Dionysius Halicarnassensis (a), idque confirmatur ipsa oratione, in qua tamen semel tantum et tanquam *παρέργα* haec monentur. His igitur expositis ipsum Orationis argumentum explicabimus.

~~~~~

A R G U M E N T U M.

Dionysius Halicarnassensis, in Epistola ad Ammaeum de Demosthene, hanc Orationem Philippicam undecimam vocat. Cuius sunt haec verba: (b) μετὰ Σωσιγένην ἄρχων ἐστὶ Νίνομαχος, ἐφ' οὗ τὴν ἐνδεκάτην δημηγορίαν διελέλυθε, περὶ τοῦ λευκίνας τὴν εἰρήνην Φίλιππον, καὶ τοὺς Ἀθηναίους πείθει Βυζαντίοις ἀποστεῖλαι βοήθειαν ἧς ἐστὶν ἀρχὴ· Καὶ σπουδαῖα νομίζων, ὧς ἄνδρες Ἀθηναῖοι, περὶ ᾧ βου-

---

a) Epist. ad Ammaeum vol. 11. p. 123. Ed. c. Sylburg.

b) 1 c.

βουλεύεσθε, καὶ ἀναγκαῖα τῇ πόλει, πειράσσομαι περὶ αὐτῶν εἰπεῖν *i. e.* Post Sotigenem Archon fuit Nicomachus, quo magistratu (Demosthenes) undecimam orationem habuit, de rupta a Philippo pace, in qua etiam Atheniensibus suadet, ut Byzantinis auxilium mittant; cuius initium est: *quum de rebus seriis et civitati utilibus vos deliberare, o Athenienses! putem, de iis dicere aggrediar.*

Libanius sophista huius orationis argumentum ita describit.

Καὶ οὗτος τὴν αὐτὴν ὑπόθεσιν ἔχει τῷ Φθάνωντι καὶ πλέον οὐδὲν, οὔτε ἴδιον, πλὴν τὸ περὶ τῆς ὁμονοίας πολίτευμα· διαφερομένων γὰρ τῶν πλουσίων πρὸς τοὺς πένητας, ὁ Δημοσθένης καταπαύειν πειράται τὴν στάσιν, τῷ μὲν δήμῳ παραινῶν μὴ δημεύειν τὰς τῶν πλουσίων οὐσίας· τοῖς δὲ πλουτοῖς, μὴ φοβεῖν τοῖς ἀπείροις τοῦ δημοσίου λήμματος. πείθει δὲ τοὺς Ἀθηναίους, καὶ πρὸς τὸν Περσῶν βασιλέα περὶ συμμάχιας πρεσβεύεσθαι. *i. e.* Haec oratio idem habet argumentum atque praecedens, neque amplius, neque peculiare quidquam praeter illam de concordia rationem. Nam divitibus a pauperibus dissentientibus, Demosthenes ope-

ram dat, ut seditionem compefeat; plebi suadens, ne divitum fortunas publicet; divitibus, ne tenuioribus lucellum illud, quod e publico percipiunt, invileant. Suadet etiam Atheniensibus, ut Regis Persarum per legatos societatem expetant.

Tertius sequitur Ulpianus, cuius tamen enarratio vel potius commentarius ita fuse et copiose scriptus est, ut neque lectoris patientia neque charta abuti velim, totum illum describendo et huic tirocinio inferendo. — Satis sit indicasse, qualem sententiam Ulpianus, cuius commentarii in undeviginti Demosthenis orationes adhuc supersunt, in universum de hac oratione prediderit. (c) Multus est in eius laude et saepius Grammaticos, qui ante eum hanc orationem explicaverant et diviserant, reprehendit, et se primum ait eius consilium et nexum recte perspexisse. Hosce commentatores diserte vocat (d) Alexandrum, Diocorum et celebrem

Ze-

(c) Quis fuerit Ulpianus, nescitur; attamen ex ipso Ulp. ad Demosth. p. 19 C. ed. H. WOLFII conjici potest, illum demum versus finem saeculi quarti P. C. N<sup>o</sup> vivere potuisse.

(d) Ulp. ad Dem. p. 44 A.



Zenonem. Utinam haberemus horum virorum de hac oratione iudicia! non sane incerti fluctuaremus. Magnopere enim studet Ulpianus omnes errores verisimilitudinis specie quasi obducere, quod, quum operae pretium sit, quemadmodum fecerit, probe intelligere, haec paucis delineare non alienum duxi. Quo melius haec perficiamus, ipsius commentarii initium citabimus. (e)

Καὶ σπουδαῖα νομίζων, ὧ ἄνδρες Ἀθηναῖοι, περὶ ᾧ βουλευέσθε, καὶ ἀναρχαῖα τῇ πόλει.) (f) ἡγνούκασιν οἱ πρὸς ἡμῶν ἐξηγησάμενοι, καὶ διελόντες τὸν δέκατον λόγον· ὅτι πρὸς τίνα ἐξαίφνης ἐπάγγελίαν, ἤκουσαν ἐκ τῆς Θερσίης, δυσχερῆ, ποιεῖται ὁ Δημοσθένης τὸν λόγον. ὅθεν αὐτῷ καὶ πρὸς σπουδὴν διὰ τὴν χρεῖαν τὴν παροῦσαν, τότε ἐκπεφάνηται ὁ λόγος. καὶ τοῦτον αἴτιον γέγονε, τεῦ μὴ σκεψάμενον ἴδιον σκέμμα ἐπὶ τῇ ὑποθέσει ταύτῃ, τότε παρελθεῖν τῶν καιρῶν μὴ ἐνθιδόντων αὐτῷ. δῆλος γὰρ ἐστὶ Φίλιππος ἐπαμύνων Καρδιανοῖς, Διοπίθους αὐτοῖς ἐπίοντος. δι' ὃ τῶν μετὰξὺ τόπων μέμνηται, ὡς ἀμφισβητουμένων ἐν τῷ ἐβδόμῳ. εἶρηκε δὲ ἐν τῷ ὀγδόῳ, ἀλλ' εἰ δεῖ τεκμαίρεσθαι

ἐκ

(e) Ulp. ad Dem. p. 43. seq.

(f) Hoc est initium orat. quae Publip. ivta. dicitur. pag. 131. ed. Reiskii.      Α 5

ἐκ τῆς ἐπιστολῆς, ἥς ἐπέμφε πρὸς ὑμᾶς· ἀμυνεῖσθαι  
 φήσει τοὺς ἐν Χερσοννήτῳ. Κοινότητος δὲ οὗτης πολλῆς  
 ἐν τοῖς πράγμασιν, τῷ πρὸς Φίλιππον γίνεσθαι τὸν λόγον,  
 ἀδικοῦντα, καὶ παραβιβηκότα τὴν εἰρήνην. Ἐξ ἐτοίμου  
 μὲν τὰ πολλὰ, ἐκ τῶν ἤδη εἰρημένων λόγων λαμβάνει.  
 ἡμῶς δὲ τοῖς παροῦσιν ὡς οἰκειότατα αὐτὰ ἐφαρμόζει.  
 ποθέν δὲ ἐστὶ Φίλιππος καταφανῆς Καρδιανοῖς βο-  
 βοηθῆναι, καὶ τ' ἄλλα περὶ τὴν Θράκην λυμηνάμενος  
 ἅπαντα, λυπεῖν τὸν δῆμον; ἐξ ὧν ὀρεῖται Φήσιν. εὐθύς  
 γὰρ ἐν τῇ ἀρχῇ τοῦτο ἐπισημαίνεται, λέγων, ἦν προσ-  
 αγγελθῇ τι νεώτερον. καὶ ἡ μὲν οὖν ἀτέλγεια καὶ ἡ  
 πλεονεξία, τοσαυτὴ τοῖ πλήθος ἐστίν, ὅσην ἀκούετε.  
 καὶ μεσοῦντος ἤδη πάλιν τοῦ λόγου προστίθῃσι.  
 Πρὶν ἄν, ὥσπερ νῦν, αὐτὰ παρῇ τὰ πράγματα. Καὶ  
 ταῦτα μὲν ἐστὶν ἅπαντα, δηλωτικὰ τοῦ ἀπηγγέλλαι  
 τι τοῦ δὲ ὅτι βοηθεῖ Καρδιανοῖς, εβοηθεῖ. ταῦτα γὰρ  
 ἅπαντα, δηλωτικὰ σαφῶς τῆς ὑποθέσεως. i. e.  
 quum et gravia existinem, Athenienses, ea,  
 de quibus deliberatis, et necessaria Reipublicae)  
 qui decimam orationem ante nos exposuere ac  
 divisere, ignorarunt, hanc orationem a Demos-  
 thene ad quendam subitum parumque secun-  
 dum nuncium, allatum e Thracia, fuisse ha-  
 bitam. Quamobrem etiam festinanter, ob ur-  
 gen-

gentem tum necessitatem, eam pronunciavit. Idque in causa fuit, quo minus peculiarem de hoc argumento orationem meditatus prodiret, temporis angustiis exclusus. Apparet enim, Philippum suppetias venisse Cardianis, Diopithe eos aggresso. Quapropter interiectionum locorum tanquam dubiorum in septima meminit et in octava dixit: sed si coniectura capienda est ex ea epistola, quam ad vos misit, se ulturum eos ait, qui in Chersoneso sunt. Quum autem res inter se multum sint cognatae, quia adversus Philippum iniuste agentem et pacem violantem instituta haec est oratio; pleraque ex orationibus prius habitis desumpta quasi e penu promit, et tamen negotiis, de quibus nunc agitur, quam aptissime accomodat. Unde autem patet, Philippum opem tulisse Cardianis, et caeteris Thraciae locis vexandis omnibus molestum esse populo? Ex ipsius oratoris verbis. Nam statim indicat, dicens: ubi quid novi nunciatum fuerit etc. Ac improbitatis et rapacitatis quidem tantus est numerus, quantum auditis. Ac rursus media fere oratione adjicit: priusquam, ut nunc, ipsae res adfuerint. Quae omnia

nia

nia indicio sunt, nunciatum esse aliquid. Cardianis autem opem tulisse Philippum, verbum *opitulatur* declarat. Haec enim omnia perspicue ostendunt argumentum.

Nemo non videt, in his dictis aliquid inesse, quod parum commentatori, magis vero laudatori et defensori conveniat. Ipse Ulpianus vitia deprehendisse mihi videtur, quibus haec oratio laborat; sed quum semel defensionem istius suscepisset, omnes vires intendit, quo sententiam suam magis magisque corroboraret.

Quodsi igitur, quae ex Ulpiano laudavimus, contra historiae fidem et tanquam inter se pugnantia ostenderimus; nullus dubito, quin hunc commentatorem dimittamus, et tantum, ubi opus erit, ad partes vocemus.

Hanc orationem habitam esse dicit ad subitum quendam parumque secundum nuncium, e Thracia allatum; Philippum nempe opem tulisse Cardianis, et caeteris Thraciae locis vexandis omnibus molestum esse populo. Quae quum tribus orationis locis probare conetur, videamus, quo nexu orator haec dixerit. Primus locus est: ἡν προσαγγελθῇ τι νεωτερον.

Haec



Haec verba in prooemio orationis Philippi-  
cae quartae inveniuntur; quamobrem ipsa ora-  
toris verba addamus, quibus lectis nemo du-  
bitabit, Ulpianum aut male hunc locum in-  
tellexisse, aut fallacia in illo interpretando u-  
sum esse.

Καὶ σπουδαῖα νομίζων, ὧ ἄνδρες Ἀθηναῖοι, περὶ  
ᾧ βουλευέσθε, καὶ ἀναγκαῖα τῇ πόλει πειράσομαι  
περὶ αὐτῶν εἰπεῖν, ἃ νομίζω συμφέρειν· οὐκ ὀλίγων  
δ' ὄντων ἀμαρτημάτων, οὐδ' ἐκ μικροῦ χρέονος συνειλεγ-  
μένων, ἐξ ᾧ φάυλος ταῦτ' ἔχει, οὐδὲν ἐστίν, ὧ  
ἄνδρες Ἀθηναῖοι, τῶν πάντων δυσκολώτερον εἰς τὸ παρόν,  
ἢ ὅτι ταῖς γνώμαις ὑμεῖς ἀφιστήκατε τῶν πραγμάτων· καὶ  
τοσοῦτον χρέονος σπουδάζετε, ὅτον ἂν κάθησθε, ἀκούοντες  
ἢ προσαγγεληῖ τι νεώτερον, εἴτ' ἀπελθὼν ἑκάστος ὑμῶν  
οὐ μόνον οὐδὲν φροντίζει περὶ αὐτῶν, ἀλλ' οὐδὲ μέμνηται.

i. e. Quum de gravibus et Reipublicae neces-  
sariis rebus vos, o Athenienses, deliberare pu-  
tem, de his dicere conabor, quae e Republica  
esse arbitror. Quamvis autem peccata non  
pauca sint, neque parvo tempore cumulata,  
per quae in haec mala incidimus, nihil tamen  
omnium est, Athenienses, in praesentia diffi-  
cilius, quam quod vos animis a rebus gerendis

ab-

abhorretis, et tantisper navatis operam, dum sedetis et auditis, ubi quid novi nunciatum fuerit, deinde vestrum quisque digressus non modo non curat ea, sed ne meminit quidem.

Nullum hic novum nec subitum nuncium video, qui huic orationi ansam dare potuerit. Orator ob ignaviam reprehendit Athenienses iisque exprobrat, quod non nisi novas res current, quas si semel audiverint, plane negligant.

Multus est Demosthenes in Atheniensium levitate et ignavia reprehendenda, eiusque morum severitas et tristitia propter calamitates Reipublicae impendentes ubique in orationibus apparent. Huius rei tanquam testem citabo locum ex oratione, quae inscribitur Philippica prima, qui sufficiet ad dicta mea confirmanda. (g) „ Quare si et vos, Athenienses, eodem velitis esse animo nunc, quando prius id factum non est, et quisque vestrum id, quod et opus sit, et praestare ipse possit, in usum Reipublicae, omissa omni tergiversatione, facere sit paratus;

lo-

locupletes tributo conferendo, iuvenes militando; et ut simpliciter breviterque dicam, si vestri compotes ipsi fieri volueritis, et desieritis ipsi nihil agere, dum speratis alium pro vobis facturum esse omnia: sic et vestra recuperabitis, si Deus velit, amissaque per socordiam, denno recipietis et illum ulciscemini. Neque enim putetis, tanquam Deo res istas illi fixas esse et immortales! Multi enim, Athenienses, eum odio habent et metuunt, multi quoque eorum, qui nunc ei videntur esse coniunctissimi, ei invident; universa enim, quae fere in aliis hominibus insunt, ea in eius quoque focciis existimandum est inesse. Nunc tamen haec omnia supprimuntur, quum nullum confusum habeant propter vestram tarditatem et socordiam; quam deponendam esse dico etiam atque etiam.” — Et paullo post.

„Quando igitur, Athenienses, agenda quae sunt, agetis? Ubi aliquid acciderit? Ubi, credo, necessitas aliqua fuerit? Quid vero de iis, quae nunc fuerunt, est existimandum? Nam ego quidem arbitror, liberis hominibus maximam esse necessitatem, susceptum in rebus gerendis  
de-

dedecus. Num vultis, circumeuntes alius percontari alium in foro: Age dic mihi, *numquid affertur novi?* Potestne aliquid magis novum accidere, quam quod Macedo subigit Athenienses et res Graeciae administrat? &c.”

Eodem referri debent, quae deinceps laudat Ulpianus καὶ ἡ μὲν αἰὲν ἀτέλγεια καὶ ἡ πλεονεξία τοσαυτὴ τὸ πλῆθος ἐστίν, ὅσῃν ἀκούετε. Philippi intemperantiam et imperandi libidinem saepissime notat Demosthenes. Exemplo sit, quam modo laudavimus, oratio Philippica prima, in primis vero Philippica tertia. Semper fere orator, ubi de ignavia civium queritur, Philippi dominandi libidinem aliaque vitia notat, quo magis Athenienses ad officia perficienda incitet.

Tandem Ulpianus locum adjicit, qui primo obtutu aliquam veri speciem habere videtur: ὑμεῖς τοῖσιν αὐτ’ ἀκούετε πρὶν αὖν, ὥσπερ νῦν, αὐτὰ παρῇ τὰ πράγματα. i. e. Vos autem non auditis, priusquam res ipsae adsunt, ut nunc. Haec verba seorsim spectata, neque nexus orationis habitatione, Ulpiani sententiam confirmare videntur. Quodsi vero ea accuratius cum iis, quae



antecedunt, comparaveris, omnia alia esse deprehendimus. Locutus erat orator de locis, quae Philippus in Thracia occupaverat, et paullo ante dixerat, illum, nemine Atheniensium bellum decernente, Cardianis opem tulisse. (g) Quod nullo modo novum et subitum nuncium nominari potuisse, nunc, alteram Ulpiani sententiam oppugnaturi, ostendere conabimur.

Ultima verba, quae ex Ulpiano citavimus, repetere placet: „(Philippum) autem Cardianis opem tulisse, verbum *opitulatur* declarat. Haec omnia perspicue ostendunt argumentum.”

Novus igitur et subitus nuncius, propter quem, secundum Ulpianum, haec oratio habitabit, ille erat, quo Athenienses de Philippi in Thracia inimicitiis et de auxilio, quod Cardianis miserat, certiores facti essent. Age videamus, quomodo haec contra historiae fidem pugnent. — Ex Dionysio Halicarnasensi (h) constat, Orationes de Chersoneso et Philippicam

---

(g) Ph. IV. p. 136. l. 9. seq.

(h) l. c.

cam tertiam anno praecedenti esse habitas, in quibus omnia, quae in Philippica quarta de rebus gestis in Chersoneso dicta sunt, orator commemorat. — Verbum *βούθει*, quod tanquam testem adhibet, in ea orationis parte invenitur, quae tota ex oratione de Chersoneso desumpta est (i) Nulla igitur ratione dici poterat, subitum nuncium esse allatum de re, quae ante annum iam nota erat Athenis et propter quam Demosthenes duas orationes habuerat. Itaque cadat necesse est hoc Ulpiani argumentum, quo festinationi tribuit, quae oratori subito loquenti vix ac ne vix quidem, sed ei, qui orationem scripto mandat, nullo modo ignosci possunt.

Restat, ut ex iis, quae citavimus, gravem Ulpiani errorem arguamus ac refutemus. Lectoribus probare conatur, novum argumentum eo contineri, quod Philippus Cardianis auxilio venisset; quo et sequentia spectant.

„Apparet enim (sunt Ulpiani verba), Philippum suppetias venisse Cardianis, Dio-

pi-

---

(i) Ph. IV. p. 139. l. 9. Or. de Ch. p. 103. l. 29 et p. 104 l. 1—3.

„pithe eos aggresso. Quapropter interiectorum  
„locorum tanquam dubiorum in septima memi-  
„nit et in octava dixit: sed si coniectura ca-  
„pienda est ex ea epistola, quam ad vos milit,  
„se ulturum eos ait, qui in Chersoneso sunt.”

Quod ad orationem septimam attinet, non dubito, quin sit ea, quae oratio de Haloneso dicitur; quandoquidem Philippicam quartam vocat decimam, et illam de Chersoneso, ut deinceps ostendemus, octavam. Itaque verisimile est, (quod temporum rationibus quoque convenit,) septimam esse orationem de Haloneso, (\*) nonam vero, quam non memorat Ulpianus, eam, quam nos Philippicam tertiam appellamus. In oratione de Haloneso, quae Demostheni quoque abiudicatur, (k) non tantum sermo est de insula Haloneso, quam Philippus piratae Sostrato eripuerat, et Atheniensibus, qui eam ut suam possessionem vindicabant, do-

---

(\*) Cf. Harpocration in voce *Ἐγὼσιππος* et H. Vales. Not. ad Harpocr. p. 17 ad p. 117 l. 19.

(k) Vid. Libanius in Argumento Or. de Hal., qui quidem alios Grammaticos secutus est, sed suae coniecturae indulgens Oratori Hegesippo illam tribuit. Haec oratio habita est Olymp. cVIII. 2.

dono dare, ut populi sibi devinceret animos, voluerat, sed etiam de rupta a Philippo pace, quam quatuor annis ante cum Atheniensibus constituerat. — Cerfobleptes, Thraciae Rex, quum Philippo, qui ei bellum intulerat, non amplius resistere posset, Chersonesum, Cardianorum civitate excepta, Atheniensibus (l) tradiderat; quum vero Athenienses hanc quoque civitatem ut antiquam coloniam repeterent, Cardiani in Atheniensium potestatem redigi nolebant. Diu quidem suam libertatem contra Athenienses haec civitas defenderat; nunc vero (m) Macedonum Regem tanquam defensorem invocaverant, qui eis adversus Athenienses auxilio veniret. — Philippus Cardianis pollicitus erat, se arbitrum (n) fore ipsos inter et Athenienses, ut ex epistola, cui Orator in Oratione de Haloneso respondet, colligi potest: unde iam ab eo tempore Philippus censendus est Cardianis suppetias venisse. — Eodem tempo-

---

(l) Dem. Or. c. Aristocr. p. 613. l. 4.

(m) Ol. CVIII. 2.

(n) Or. de Haloneso p. 87 l. 2. seq.



pore Rex alias Cherfonefi urbes expugnaverat, veluti Serrion-Teichos, Ergiscen et Hieron-Oros (o), totamque adeo regionem extra Agoram Cardiano Apollonidi fruendam concesserat. Quomodo igitur Ulpianus dicere potuit, oratorem de his locis quasi dubiis in hac oratione locutum esse? — Non praetermittere possum, quin hoc loco verba δι' ὃ τῶν μεταξὺ τόπων μέμνηται ὡς ἀμφιπυθουμένων ἐν τῷ ἐβδόμῳ levi mutatione emendare studeam. Hieronymus Wolfius, qui hunc commentarium Latine vertit, sed, ut ipse fatetur in praefatione, propter festinationem in textu, mille locis depravato, nihil mutavit, hoc quoque verbum asterismo notavit, quod ubique fecit, ubi vitia se deprehendisse existimabat. Quodsi igitur pro τῶν μεταξὺ τόπων μέμνηται legatur τῶν ἐν Θράκη τ. μ. caet., omnia aptissime conveniunt. Sic etiam Ulpianus loco, ex oratione de Cherfonefo citato, abusus est. Verba enim ἀλλ' εἰ δεῖ τεκμαίρεσθαι ἐκ τῆς ἐπιστολῆς, ἧς ἐπεμψε πρὸς ὑμᾶς, ἀμυνεῖσθαι φησί τοὺς ἐν Χερσονήσῳ in Oratione de Cherfonefo (p) inven-

ve-

(o) Or. de H. p. 85. l. 27. seqq.

(p) Or. de Ch. p. 93. l. 26.

veniuntur, ubi tamen pro τετραῖσθαι legitur σκοπεῖν, quod error Ulpiani memoriae esse potest. — Haec duo verba non adeo differunt, quin eundem sensum constituere possint: σκοπεῖν enim est *explorare, quaerere, observare, considerare*; τετραῖσθαι vero *conjicere, argumentari*; utrumque igitur habet notionem *aliquid ex coniectura colligendi*.

Nunc videamus, quomodo hoc loco ad suam sententiam confirmandam abusus sit Ulpianus. In oratione de Chersoneso Demosthenes primo ostendit, pacem esse ruptam a Philippo; deinceps ostendit, utilissimum Republicae et maxime necessarium esse Diopithis exercitum augeri. Inter alia argumenta etiam ea affert, quae modo citavimus; nam antea dixerat, quaecumque iam fecisset Philippus, et quaecumque facturus esset. — Inversioni vero adversariorum ita respondet: „Num vero persuasum nobis habemus, illum non in Chersonesum esse venturum? Minime. Quodsi enim ex epistola, quam ad vos misit, conjici liceat, se eos ulturum esse ait, qui in Chersoneso sunt.” Deinceps, (q)

quum

---

(q) Dem. Or. de Ch. p. 104. l. 1. seqq.

quum iam satis multa de Philippi iniustitia dixisset, summa cum indignatione haec addit.

„ Quae tandem causa est, Athenienses, quum  
„ Philippus ita manifeste bella gerat, iniuste  
„ agat, urbes occupet, ut nostrorum nemo un-  
„ quam dixerit, eum iniuste agere, bellumque  
„ facere; sed, ut eos, qui haec committi non  
„ debere existiment, accusent, quasi bellum  
„ fecissent? Ego docebo. Quoniam odium,  
„ quod concipere soletis, si aliqua calamitate  
„ in bello afficiamini, in eos convertere volunt,  
„ qui vobis bene consuluerunt; ut illos accu-  
„ setis, Philippum vero non ulciscamini; et  
„ ut alios quidem accusent, nec vero ipsi ra-  
„ tionem reddere cogantur de iis, quae nunc  
„ faciunt. — Haec apud eos valent, ut dicant,  
„ velle quosdam apud vos excitare bellum:  
„ hinc illa oritur altercatio atque intercessio.  
„ *Ego autem certior factus sum, Philippum,*  
„ *quum nemo Atheniensium bellum decreve-*  
„ *rit, cum alia multa, quae civitatis sunt,*  
„ *tenere, tum nunc Cardianis auxilia misisse.*”

Quis tandem, haec legens, dicere potest, Demosthenem in hac Oratione de iis, quae a

Philippo in Chersoneso agebantur, aliquid ignorasse? Quid igitur de commentatore, qui aut ipse per negligentiam falsus est, aut alios speciosis ratiunculis fallere voluit, censendum est?

Ne tamen in contemnendo Ulpiano nimis mihi arrogasse videar, non alienum est, quaedam virorum clarissimorum testimonia afferre, qui iam pridem in eandem sententiam locuti sunt. — Casaubonus in commentario ad Theophrasti Characteres, ubi de male intellectis verbis (r) *τρία ἡμιβόλια* docte disferit, inter alia haec dicit: „tot locis apud summum oratorem (Demosthenem) extat loquendi hoc genus, in quibus omnibus lapsus est vir doctus (Hieronymus Wolfius), quum non observasset, quid inter *τρία ἡμιτάλαντα*, et *τρίτον ἡμιτάλαντον* interereset. Enimvero doctissimo viro facile ignosco, qui *ἄλλοις ἐν ἐσθλοῖς τόνδε ἀπωθεῖται λόγον*. Vapulet vero sciolus ille Graeculus, qui Wolfium in errorem induxit.” Deinde: „Haec ille; quae omnia falsa esse et inepta, ex  
fu-

---

(r) Casaub. ad Theophr. Charact. p. 93. seq. Ed. Fischeri.



superioribus liquet.” Et tandem aliquot lineis interpositis: „Eat nunc iste opicus, et dicat: πένθ' ἡμίχοα esfe τέτραρα καὶ ἡμίον.” Causaubonum vero iam suspicatum esse, Ulpiani scholia ab aliena manu valde esse interpolata, docet huius annotationis finis. „Absit vero a nobis, ut haec et alia huius farinae, qualia nonnulla in illis scholiis observavimus, Ulpiano tribuamus” Idem vir doctissimus alio eiusdem commentarii loco (s) eandem profert sententiam. Haec sunt eius verba: „Demosthenes pro corona: ἀλλ' ἐν τοῖν δυοῖν ὁβολοῖν ἐθεώρου, ubi mire turbat Graecus interpres, non raro nimium quam impeditus dicam an imperitus?” — Nec magis honorifice Fredericum Augustum Wolsium V. C. de Ulpiano sentire, ostendunt eius prolegomena in Demosthenis Orationem Leptineam, in quibus commentarium (t) Ulpiani obscuras gerras appellare non dubitavit.

Sed audiamus denique, quae idem vir doctissimus

---

(s) l. l. p. 153.

(t) p. cxxxiii. not. 145.

simus de Ulpiano dixit in commentario ad Demosthenis Orationem Leptineam (u): „Nam  
 „et si vel maxime eundem ponam esse hunc  
 „scriptorem (argumenti Orationis in Leptinem  
 „ἔδῳλον) et Scholiastam, ne hoc quidem hodie  
 „scitur, cui auctori scholia assignari debeant,  
 „quibus partem Orationum Demosthenicarum  
 „habemus oppletam. Nomen, quod praeferunt,  
 „Ulpiani parum nos iuvat, hominis aetatem,  
 „locum, reliqua eius omnia plane ignorantes. Neque in scholiis ipsis invenias  
 „quidquam, unde verior coniectura ducatur;  
 „ut incertissimum sit, quod posuerunt nonnulli,  
 „(V. Suidas voc. Οὐλπιανὸς Ἀντιοχεύς ibique  
 „Kusterus, et Taylorus in Collectaneis ap.  
 „Reisk. Orr. graec. T. viii. p. vii) Rhetorem  
 „seu Grammaticum ad Constantini Imperatoris  
 „tempora videri dimittendum; et si meliore  
 „vix dignum habeas saeculo. Sane enim quam  
 „multa dat puerilia, falsa, a re et loco prorsus  
 „aliena, in dilucidis et verbis et sententiis  
 „se iactans verbose, obscuriorum contra  
 „enarrator magis, quam interpres, veritatis  
 „le-

---

(u) Dem. Or. in Leptinem cur. F. A. Wolf, p. 210, 211.

„lectionum rarissime curiosus, denique novo-  
 „rum postillatorum in modum inanibus circum-  
 „locutionibus et dissectionibus Oratorem ene-  
 „cans, adeo ut legenti saepe nauleam moveat  
 „et bilem. Vix viginti locos in toto Demos-  
 „thene putem reperiri, in quibus ille, quod  
 „non horum quoque temporum doctrina pos-  
 „sit expedire, suppeditet. Sed eo maxime  
 „nomine succenseas homini, quisquis fuit,  
 „quod tam pauca excerpfit e commentariis  
 „antiquorum, quorum tamen copiam habere  
 „debebat, suaque inepta conscribillare maluit,  
 „quam bona aliena dare, etc.”

Haec opinor sufficient, quo meam audaciam  
 in carpendo hocce Scholiaste defendam, quippe  
 non tantum virorum clarissimorum auctorita-  
 tem secutus sum, sed probabiles quoque attuli  
 rationes sententiae meae confirmandae.



## Θ Ε Ω Π Ι Κ Α.

Inter argumenta, quae manifeste probant, hanc orationem Demostheni esse abiudicandam, gravisimum mihi esse videtur consilium de pecunia theatri (θεώματα), quod plane abhorret a Demosthenis mente, ut deinceps ostendemus. Sed necesse est prius nonnulla de hac re dicere, quo melius causam nostram agamus.

Postquam Athenienses inducias triginta annorum cum Lacedaemoniis fecissent, (ν) quotannis mille talenta in aerarium seponebant, qua pecunia non nisi in gravissimis Reipublicae periculis uterentur. Pericles vero hanc pecuniam bellicis sumtibus destinatam in alium usum convertit, Olin theatri sedes cuique primum advenienti patebant; deinde vero, quum turba spectacula frequentantium nimis

ma-

---

(ν) Ol. LXXXIII. 4.

magna fieret indeque altercationes orirentur, quaevis in theatro sedes emi debebat tam a civibus, quam a peregrinis. Quo facilius huius oblectamenti participes essent Athenienses, Pericles unicuique civium duos obolos ex pecunia militari tribui curabat, unum, ut spectacula viderent, alterum, quo iactura temporis iis compensaretur. Multis vero annis post, quum iam populus consuevisset hanc pecuniam accipere, Apollodoro (*w*) quodam hanc pecuniam in usum militare convertere conante, (*x*) Eubulus orator, qui gratiam apud populum pluris faciebat, quam Reipublicae salutem, legem pertulit, qua capitis damnaretur, quicumque pecuniam theatralem in usum belli convertere auderet. Magnam sane pecuniae vim ita absumptam fuisse quisque facile perspicit, quippe dies festi tam multi erant, quos fere omnes publica insequabantur spectacu-

---

(*w*) Ulpianus ad Dem. Or. Olynth. 1. p. 26. ed. H. Wolfii. Oratio contra Neaeram p. 1346., quae tamen multis veterum testimoniis Demostheni abiudicatur. cf. Libanius in argumento huius orationis.

(*x*) De oratore Eubulo vid. cl. D. Ruhkenius Hist. Crit. Oratt. Graec. p. 65 *seqq.*



cula. Non igitur mirum est, Demosthenem tantopere questum esse de huius pecuniae abusu his temporibus, quibus tanti sumtus ad bella gerenda fieri debebant. Satis caute quidem, quia plebem, quae adco spectaculis delectabatur, contra se irritare verebatur; sed serio tamen Atheniensibus suavit in Olynthiaca prima, ut hac pecuniae ad naves conficiendas, ad exercitum alendum, ad omnia denique sibi procuranda, quae ad usum belli necessaria essent adhiberentur. Sed placet ipsa Demosthenis verba proferre. (γ)

Περὶ δὲ χρημάτων πόρου, ἔστιν, ὧς ἄνδρες Ἀθηναῖοι, χρήματα ὑμῶν, ἔστιν ὅσα οὐδενὶ τῶν ἄλλων ἀνθρώπων στρατιωτικά. ταῦτα δὲ ὑμεῖς οὕτως ὥς βούλεσθε λαμβάνετε· εἰ μὲν οὖν ταῦτα τοῖς στρατευομένοις ἀποδώσετε, οὐδενὸς ὑμῶν προσδεῖ πόρου. εἰ δὲ μὴ, προσδεῖ. μᾶλλον δ' ἅπαντος ἐνδεῖ τοῦ πόρου. τί οὖν, ἂν τις εἴποι, σὺ γράφεις ταῦτ' εἶναι στρατιωτικά; μὰ Δί', οὐκ ἔγωγε. ἐγὼ μὲν γὰρ ἡγοῦμαι στρατιώτας δεῖν κατασκευασθῆναι, καὶ ταῦτ' εἶναι στρατιωτικά, καὶ μίαν σύνταξιν εἶναι τὴν αὐτὴν, τοῦ τε λαμβάνειν, καὶ τοῦ ποιεῖν τὰ δέοντα· ὑμεῖς δὲ οὕτω πως ἄνευ πραγμάτων ταῦτα λαμβάνετε

εἰς

εἰς τὰς ἐορτάς. ἔστι δὲ λοιπὸν, οἶμαι, πάντας εἰσφέρειν, ἂν πολλῶν δέη, πολλὰ ἂν ὀλίγων, ὀλίγα. δεῖ δὲ χρημάτων, καὶ ἄνευ τούτων οὐδέν ἐστι γενέσθαι τῶν δεόντων. λέγουσι δὲ καὶ ἄλλους τινὰς ἄλλοι πόρους, ὧν ἕλεσθε, ὅστις ὑμῶν ἂν συμφέρον δοκῇ i. e. Quod vero ad pecuniae redditum attinet, tanta est vobis pecunia militaris, quanta nemini. Hanc igitur impendite, prouti vobis in animo est. Quod si igitur illam militantibus assignetis, nullo egetis redditu, si minus, egetis. Quid vero, dicat aliquis, tunc fers legem, hanc pecuniam oportere esse militarem? Minime quidem! — Ego vero existimo, milites instrui oportere, hanc pecuniam militibus deberi et unam esse rationem eandem et accipiendi et faciendi, quae oporteat: vos tamen hanc pecuniam sine labore ad dies festos concelebrandos accipitis. Reliquum igitur est, ut omnes tributa conferant; si multis opus erit, multum, si paucis, parum. Omnino autem pecunia opus est, sine qua nulla eorum, quae fieri debent, effici possunt. Dicunt tamen alii alios quosdam redditus, ex quibus eligatis, qui vobis maxime conducere videatur.

Ha-

Haec quidem caute dicta sunt, sed ita tamen, ut quivis Oratoris sententiam facile intelligere possit. Hic operae pretium est, ea adiiungere, quae Ulpianus ad hunc locum annotavit. (z) ἄξιον δὲ ἐπισημῆνασθαι, ὅτι οὐδὲ ἐγχερόν' ζειν βούλεται τῷ λόγῳ τῷ περὶ τῶν χρημάτων διὰ τὸ δυσχέρες· ἀλλ' εὐθὺς μεταβλίνει πάλιν ἐπὶ τῶν εἰσφορῶν, ἵνα μὴ φαινῆται τὴν πρὸς Εὐβούλον μάχην ἀλλὰ τῇ χρεῖᾳ τῶν πραγμάτων ἐπόμενος. πῇ μὲν ἀξίων τῶν θεωρικῶν ἐξίστασθαι, πῇ δὲ ἀπὸ τῶν εἰκαίων εἰσφέρειν καὶ οὐ τοὺς πλουσίους μόνον, ἀλλὰ καὶ τοὺς ἀπόρους· ποιεῖ δὲ τοῦτο ἐξεπίτηδες. οὐκ ἐγχερόν' ζει μὲν γὰρ τῷ περὶ τῶν θεωρικῶν λόγῳ, διὰ τὸ ἀνιᾶν· οὐ μὴν οὐδὲ ἀφίσταται διὰ τὸ μὴ ἀλλαχόθεν εἶναι πόρον, τὸν δὲ περὶ τῆς εἰσφορᾶς ποιεῖται λόγον, οὐκ ὄντως τοῦτον ἔχων τὸν σκοπὸν, ἵνα εἰσένεγκωσιν, ἀλλ' ἵνα διὰ τῆς εἰσφορᾶς καταναγκάσῃ τῶν θεωρικῶν ἐκστῆναι. i. e. Notatu dignum est, eum (Demosthenem) immorari noluisse rationi de pecunia propter difficultatem, sed statim redit ad rationem de redivis, ut non de industria Eubulo adversari, sed rerum necessitatem sequi videatur. Modo quidem existimat (civibus) abstinentum esse a pecunia theatri, modo

---

(z) Ulp. praefatio in Orr. Olynth. Dem. p. 13. C.

do vero divites non tantum, sed pauperes etiam oportere de suo aliquid afferre? Idque consulto facit. Non enim rationi de pecunia immoratur, ut dolorem excitet (apud populum). Non tamen illam deferit, quia non sunt redditus aliunde, de tributo vero loquitur, non eo consilio, ut aliquid conferant, sed ut eos propter tributum abstinere cogat a pecunia theatrâli.

Caeterum (aa) Commentator primam huius orationis periodum (bb) ad rationem de pecunia theatrâli refert, quasi illa esset introductio ad ea, quae deinceps hac de re disseruit Orator. Simul historiam memorat, quam initio huius sectionis enarravimus, quae convenit cum ea, quam Harpocrâtion (cc) in voce *Θεωρίαν* tradidit. Differt tamen Harpocrâtion a Scholiasta in eo, quod non Periclem, sed Agyrrhium Demagogum auctorem facit, ut hae pecuniae, quae olim ad bellicos sumtus reponebantur,

mi-

---

(aa) Ulp. in Olynth. 1. p. 16. c.

(bb) Dem. Olynth. 1. p. 9.

(cc) Harpocrat. in voce *Θεωρίαν* p. 190. Ed. L. B. 1613.  
H. Valesius ad h. l.

militares dictae, in apparatus spectaculorum et distributiones conferrentur. Scholiastes in fine huius annotationis sequentia tradit, quae falsa esse deinceps ostendere conabimur. διὸ ὁσάκις ἐν τοῖς Φιλιππικοῖς μέμνηται αὐτῶν (τῶν θεωρικῶν) ὁ Δημοσθένης, συμβουλεύει μόνον ὥστε αὐτὰ λυθῆναι, οὐ μέντοι καὶ ἐγγράφως λέγει, ὅπερ ἦν ἐπικίνδυνον. ὅμως οὐκ ἔπεισεν αὐτοὺς λῦσαι, εἰ μὴ ὕστερον ἀναγκάζομενοι τῷ πολέμῳ, τῆς πεποιήκασιν. i. e. Propterea, quoties in Philippicis huius rei meminit Demosthenes, suadet tantum, non etiam de scripto pronunciat, quod periculosum erat, hanc legem esse abrogandam. Non tamen persuasit, ut abrogarent; nisi forte id ipsi bello coacti fecerint. — Ad verbum ἀποδώσετε (*ddl*) haec notat καλῶς εἶπε τὸ ἀποδώσετε, οὐχ ὀδώσετε. ἀποδιδώσι γάρ τις τὸ ἀλλότριον ἐκείνῳ, οὗ οἶδεν ἐν τὸ πράγμα. ὥστε ταῦτα φήσιν οὐκ ἔστιν ὑμέτερα, ἀλλὰ τῶν στρατιωτῶν οἰκεῖα i. e. Reddite, bene dixit reddite: non date: redditur enim alienum illi, cuius rem esse constat. Proinde haec, inquit, non vestra est, sed propria mi-  
li-

---

(*ddl*) Ulp. in Olynth. I. p. 21, A.



litum. (ee) Scholiastes igitur hoc loco ipse fatetur, Demosthenem aperte et de industria dixisse, hanc pecuniam oportere esse militarem. Hoc quoque patet ex Olynthiaca tertia, quae proprie est secunda, (ff) ut prima proprie tertia vocari debet. „Omnes probe novimus, ait, fortasse quispiam dicat, auxiliandum esse (Olynthiis) et auxilium feremus; sed quo modo, hoc dicito.” Tum huic objectioni respondens ita loquitur (gg) μή τοίνυν, ὦ ἄνδρες Ἀθηναῖοι, θαυμάσητε, ἂν παράδοξον εἴπω τι τοῖς πολλοῖς, νομοθέτας καθίστατε. ἐν δὲ τούτοις τοῖς νομοθέταις, μὴ θῆσθε νόμον μηδένα· εἰσι γὰρ ὑμῖν ἱκανοί· ἀλλὰ τοὺς εἰς τὸ παρὸν βλάπτοντας ὑμᾶς λύσατε· λέγω δὲ τοὺς περὶ τῶν θεωρικῶν, σαφῶς οὕτως, καὶ τοὺς περὶ τῶν στρατευομένων ἐνίους· ὧν οἱ μὲν, τὰ στρατιωτικὰ τοῖς οἴκοι διανέμουσι θεωρικά· αἱ δὲ, τοὺς ἀτακτοῦντας ἀθώους καθιστᾷσιν· εἴτα καὶ τοὺς τὰ δέοντα ποιεῖν βουλομένους ἀθυμοτέρους ποιοῦσιν. ἐπειδὴν δὲ ταῦτα λύσητε, καὶ τὴν τοῦ τὰ βέλτιστα λέγειν ὁδὸν

πα-

---

(ee) Confer. quae statim ad verba ἐνδεῖ τοῦ πόρου adiecta Ulp. in Olynth. l. p. 21. A. B

(ff) Cf. Dionys. Hal. in Epistola ad Ammaeum p. 121.

(gg) Dem. Olynth. Γ p. 51. l. 8. seqq.

παράσχητε ἀσφαλῆ, τηνικαῦτα τὸν γράφοντα, ἃ πάν-  
 τες ἴστε ὅτι συμφέρεи, ζητεῖτε. πρὶν δὲ ταῦτα πράξαι,  
 μὴ σκοπεῖτε, τίς εἰπὼν τὰ βέλτιστα ὑπὲρ ὑμῶν, ὑφ'  
 ὑμῶν ἀπολέσθαι βουλήσεται· οὐ γὰρ εἰρήσετε· ἄλλως  
 τε καὶ τούτου μόνου περιγίγνεσθαι μέλλοντος, τοῦ πα-  
 θεῖν ἀδίκως τι κακὸν τὸν ταῦτ' εἰπόντα καὶ γράψαντα·  
 μηδὲν δὲ ἀφελῆσαι τὰ πράγματα, ἀλλὰ καὶ εἰς τὸ  
 λοιπὸν μᾶλλον ἔτι, ἢ νῦν, τὸ τὰ βέλτιστα λέγειν φο-  
 βερώτερον ποιῆσαι. καὶ λυεῖν γε, ὧς ἄνδρες Ἀθηναῖοι,  
 τοὺς νόμους δεῖ τούτους αὐτοὺς ἀξιοῦν, οἵπερ καὶ τε-  
 θεύκασιν· οὐ γὰρ ἐστὶ δίκαιον, τὴν μὲν χάριν, ἣ πᾶ-  
 σαν ἔβλαψε τὴν πόλιν, τοῖς τότε θεῖσιν ὑπάρχειν· τὴν  
 δ' ἀπέχθειαν, δι' ἧς ἂν ἅπαντες ἄμεινον πράξαμεν.  
 τῷ νῦν τὰ βέλτιστα εἰπόντι ζημίαν γενέσθαι. πρὶν δὲ  
 ταῦτα εὐτρεπίσαι, μηδαμῶς, ὧς ἄνδρες Ἀθηναῖοι, μη-  
 δένα ἀξιοῦτε τηλικούτον εἶναι παρ' ὑμῖν, ὥστε τοὺς νό-  
 μους τούτους παρὰβάντα μὴ δοῦναι δίκην, μηδ' οὕτως  
 ἀνόητον, ὥστε εἰς προὔπτον κακὸν αὐτὸν ἐμβαλεῖν.  
 i. e. Ne vero miremini, Athenienses, si po-  
 pulo quidquam inopinati dixerō. Legumla-  
 tores constituite: per eos autem legumla-  
 tores nullam sancite legem (sunt erim vobis  
 fatis multae); eas vero, quae ad hoc usque  
 tempus vobis obsunt, abrogate: illas autem  
 di-

dico et non dissimulanter dico, quae sunt de pecunia theatralli et nonnullas de re militari: quarum illae pecuniam militarem iis, qui domi manent, ad spectacula distribuunt: hae (*hh*) perturbatores disciplinae a poena liberant: sic etiam eos, qui officio fungi volunt, desperationes reddunt. Postquam vero haec sustuleritis et viam optima consulendi tutam praeberitis, tum quaerite oratorem, qui ea, quae omnes e Republica esse scitis, scribat. Priusquam vero haec feceritis, nolite explorare, quisnam, quum vobis optime consulat, per vos perire velit: neminem fane invenietis; praefertim quum id unum ex eo futurum sit, ut et, qui ea dixerit ac scripserit, per iniuriam mulctetur, nec rebus quidquam consulatur, sed optima suadendi studium magis etiam in posterum, quam nunc est, reddatur periculofum. Ac postulandum est eas leges abrogent isti ipsi, qui tulerunt. Non enim aequum est, gratia, quae totam civitatem laesit, il-

---

(*hh*) Vid. Ulpianus p. 36. B. qui discrimen inter ἀτακτοῦντας, λειποτακτοῦντας et ἀστράτευτους notavit.

illos frui, qui tum tulerunt: odium autem, per quod cum omnibus nobis melius ageretur, ei, qui nunc optima suaferit, esse fraudi. Priusquam autem haec rite comparata fuerint, nequaquam, Athenienses, apud vos quemquam velitis esse tantum, ut hisce legibus a se violatis, poenas non det, aut adeo vecordem, ut in evidens malum semet ipse conjiciat.

Paullo post ad idem (ii) redit argumentum. εἰ δέ τις ἡμῖν ἔχει καὶ τὰ θεωρικὰ ἔσθ' ἔτι, καὶ πόρους ἐτέρους λέγειν στρατιωτικούς, οὐχ οὗτος κρείττων; εἴποι τις ἄν. Φήμι ἔγωγε, εἴπερ ἔστιν, ὧς ἄνδρες Ἀθηναῖοι. ἀλλὰ θαυμάζω, εἴ τῃ ποτὲ ἀνθρώπων ἡ γέγονεν, ἡ γενήσεται, ἂν τὰ παρόντα ἀναλώσῃ πρὸς ἃ μὴ δεῖ, τῶν ἀπόντων εὐπορῆσαι πρὸς ἃ δεῖ. ἀλλ', ἄμαι, μέγα τοῖς τοιούτοις ὑπάρχει λόγοις ἢ παρ' ἐκάστου βούλησις, διόπερ ῥᾶστον ἀπάντων ἐστὶν αὐτὸν ἐξαπατῆσαι· ὃ γὰρ βούλεται, τοῦθ' ἕκαστος καὶ οἶεται· τὰ δὲ πράγματα πολλάκις οὐχ οὕτω πέφυκεν. ὁρᾶτε οὖν, ὧς ἄνδρες Ἀθηναῖοι, τοῦθ' οὕτως, ὅπως καὶ τὰ πράγματα ἐνδέχεται, καὶ δυνήσεσθε ἐξιέναι, καὶ μισθὸν ἔχετε. οὐ τοι σωφρόνων, οὐδὲ γενναίων ἐστὶν ἀνθρώπων, ἑλλείποντάς τι δι' ἐνδειαν χρημάτων τῶν τοῦ πολέμου, εὐχε-

ῥᾶς

ἕως τὰ τοιαῦτα ὀνειδῆ φέρειν κ. τ. λ. i. e. At si quis pecuniam theatralem nobis relinquere possit et alios sumtus ostendere militares, nonne is melius? dixerit aliquis. Omnino sane, si modo talis inveniri possit; sed valde demerarer, si quisquam ita fortunatus fuerit aut futurus sit, qui, quum ea, quae habet, in res supervacaneas insumferit, ut iis, quae non habet, ad res necessarias abundet. Sed magnum istis rationibus ex uniuscuiusque voluntate nimirum praesidium est. Quare omnium est facillimum, se ipsum decipere. Quod enim quisque vult, id etiam sibi fingit: saepe autem natura rerum alia est. Ista igitur ita confiderate, ut res patiuntur: tum et militare poteritis et stipendium habebitis. Non sane prudentium, neque generosorum hominum est, aliquid in bello negligere ob nummorum penuriam, et leviter talia probra ferre etc.

Ulpianus ad haec loca nihil memoratu dignum annotavit, quod sane mirum videri possit, praesertim, quum recordamur, quam multa ex sententia sua dixerit ad eos locos, quos ex Olynthiaca secunda citavimus. — Ad verba



εἰ δέ τις ἡμῖν τὰ θεωρικὰ οὐκ ἔστιν ἀντίθεσις (ait)  
 ἀλλὰ νοῆμα ἀποκλεῖον τῆς ἀναβολῆς τὸν δημόν. ἵνα  
 γὰρ μὴ μέλλοντας πόρους ἐπιζητῶσιν, ἐπείγοντων τῶν  
 πραγμάτων διὰ τοῦτο εἶπεν, ὅτι θαυμάζω εἶτις εὐ-  
 πορῆσαι τῶν ἀπόντων πρὸς ᾧ δεῖ δυνῆσεται. αἱ γὰρ μέλ-  
 λοντες πόροι οὐδέν ποιοῦσι πρὸς τὰ παρόντα. αἱ γὰρ  
 νῦν πράξεις οὐ μέλλοντες πόρους ἀπαιτοῦσιν. i. e.  
 Non est obiectio, sed sententia, qua cavet, ne  
 populus diu moretur. Ne enim multo post  
 pecuniam quaerant, quum negotia veheimen-  
 ter urgeant: propterea dixit, se mirari, si cui  
 copia esse possit eorum, quae absunt, ad ea,  
 quae necessaria sunt. Nam futuri comme-  
 atus nihil faciunt ad praesentia negotia: quae  
 negotia non quaerendam, sed quaesitam pe-  
 cuniam postulant.

Itaque aperte dixit Demosthenes, pecuniam  
 theatralem Reipublicae valde noxiam esse; nec  
 tantum civibus suasit, sed eos quasi coëgit, ut  
 eam abrogarent et in usum bellicum converte-  
 rent. Praeter Demosthenem etiam alii fue-  
 runt, qui eandem de hac re sententiam fere-  
 bant, inter quos Demades orator Demosthenis  
 aequalis, qui secundum Plutarchum hanc pe-

cuniam Reipublicae (kk) gluten esse dicebat.

Plane alia ratio est apud scriptorem Philippicae quartae: hic enim, quum nulla causa appareat, quare de hoc argumento nunc sibi verba facienda esse duxerit, divites quidem admonet, ne pauperibus pecuniam theatralem, pauperes vero, ne divitibus fortunas invideant. Totum hic apponere locum non necesse duximus, et, quia longior est, quam ut huic scriptioni apte inferi possit, a proposito alienum esse existimavimus. Restat igitur, ut strictim enarremus, quae pro hac re dixerit orator. — Atheniensibus probare studet, praecipuam esse causam, quare cives patriae inservire nolint, quod divites pauperibus pecuniam theatralem invideant. Deinde ostendit, hanc pecuniam in talem usum sine detrimento Reipublicae posse impendi, nam (ut ait orator) paucis annis ante Reipublicae redditus centum et trienta talenta non superabant, et tunc nemo ex eis erat, qui triremi praeesse, aut conferre tributum poterat,

---

(kk) Plutarch. ἐν Πλατωνικ. ζητήμ. ὡς ἔλεγε Δεμάδης, πολλὰν ὀνομάζων τα θεωρητικὰ τῆς δημοκρατίας.

rat, qui non sua sponte sibi faciendum esse officium putaret, quod pecuniae copia non erat. Post haec vero, sic pergit auctor, fortunae benignitas auxit Rempublicam, ut talenta pro centum illis redeant quadringenta sine ullo divitum detrimento, sed cum eorum emolumento potius. Nulla igitur causa est, cur pauperibus hanc pecuniam invideamus. Ad consilium probandum hac conclusione utitur: sicut enim uniuscuiusque nostrum parens est aliquis; sic universae civitatis communes parentes cives universi sunt existimandi: atque igitur non eripiendum eis quidquam est, quod Respublica largitur; ut, si horum nihil fieret, eis aliunde prospiciendum esset, ne qua reegerent. Denique pauperibus suadet, ne bona divitum publicare studeant. Et hoc est illud πολιτεῦμα ὁμονοίας, quod Libanius in argumento huius orationis tanquam peculiare et huic orationi proprium citavit.

Quae igitur causa esse potuit, cur Demosthenes, semper patriae amantissimus, qui paucis annis ante, ut supra ostendimus, non sine vitae periculo huius pecuniae abusum abrogandum

cenfuerat, nunc plane contraria fuaderet et in aliam fententiam tranfiiffe videretur? Fortasfis hic mihi objici poffit, Demosthenem, (ll) Apollodori exemplo deterritum, hanc rem difsimulare voluiffe. Sed ne hoc quidem verifimile est, quum ipfe Eubulus, qui antea Apollodoro adverfatus erat, poftea auctor fuerit, ut pecunia theatralis in militarem converteretur. Hoc enim ex ipfo Demosthene (mm) difcimus, ubi fimul animadvertendum est, illam orationem efle fcriptam Olympiadis centefimae nonae anno fecundo, duobus annis ante, quam Philippica quarta, fi genuina foret, eflet habita. Attamen reticere illud potuiffet, at nullo modo contraria fuadere! quare Demosthenes, qui in amore erga patriam, in odio adverfus Philippum, in omnibus denique fibi conftabat, in hac re graviffima fibi conftare noluiffet? Quae hoc loco habet Ulpianus, ab orationis argumento, etiamfi pro genuino Demosthenis opere eflet habenda, omnino aliena funt, neque digna, quae commemorentur, nedum refutentur. Eti-

---

(ll) Vid. fupra p. 29.

(mm) Or. de falſ. leg. p. 434. l. 26.

Etiā monendum est, huius orationis scriptorem hoc loco de Reipublicae Atticae redditibus sententiam, quae neque ab oratoribus, nec, quod sciam, ab alio quoquam scriptore dicta est, protulisse.

Quo magis divitibus persuadeat, ne pauperibus pecuniam theatralem invideant, hanc gravissimam affert causam: „vectigalia, quae antea centum et triginta talenta non superabant, nunc ad quadringenta talenta accreverunt.”

Quod quidem Oratores temporis causa de Republica sua modo elatius, modo submissius, quam pro vera conditione rerum, locuti sint, hoc nemo, qui Democratiae naturam perspexerit, mirabitur. At hoc ipso nomine auctor Philippicae quartae notandus est, quia, quum rem augere debuisset, eam contra minuit. Auctor de vitis decem Oratorum (*nn*) narrat,

re-

---

(*nn*) Pseudo Plutarchus de Vitis X. Orr. T. II, p. 842 E. Conf. p. 841, B. 852. B. Taylors Praefat. ad Lycurg, Orat., qui scribit Lycurgum per annos duodecim acriario praefuisse, ab Olymp. cx. 1. ad Ol. cxii. 4, atque per hoc tempus talentorum undeviginti millia et nongenta dispensasse, quae summa, in duodecim partes divisa, mille quingenta et septuaginta quinque talenta singulis annis efficit. Conf. quoque Wessels. ad Diod. Sic. xvi. 88.



reditus a Lycurgo auctos esse ad mille et du-  
centa talenta, quum prius fuissent sexaginta.  
Hic igitur error haud leve neque contemnen-  
dum argumentum est, quo Demostheni hanc  
orationem abiudicemus.



---

HISTORICA.

Hanc orationem legens suspicatus sum, illam demum esse conscriptam, aut potius ex aliis orationibus conflata, paullo antequam Philippus Macedonum Rex Athenienses et Thebanos apud Chaeroneam devicerat, eiusque consilia, illum in animo habere, Graecorum ope regnum Persarum invadere, iam cognita erant. Non negari quidem potest, historiam istorum temporum valde obscuram esse propter penuriam scriptorum, qui, licet permulti fuerint illa aetate historici, ad unum tamen omnes perierunt. Quidquid igitur de Philippi rebus gestis, de Graecarum civitatum conditione per hoc temporis spatium cognoscere possumus, ab Oratoribus petendum est, quibuscum Trogi Pompeji Epitomator conferendus est. Attamen isti fontes non sunt abundantes, sed potius rivuli nominandi. Oratores enim verba faciebant

bant coram aequalibus, qui nihil eorum ignorabant, quae argumenta orationum efficiebant; quibus igitur inutilis et supervacanea fuisset opera omnia ad Chronologiae normam exposuisse.

Quam parvus etiam fuerit Iustinus in rebus Graecis enarrandis, satis superque notum est. His tertius annumerandus est Diodorus Siculus, qui tamen maxime versatur in historia Siciliae. — Quodsi vero auctorum, quos citavimus, dispersa loca colligamus et inter se conferamus, etiamsi non omnia certa haberi, plurima tamen ad maximam verisimilitudinis speciem redigi possunt.

Quum igitur Philippicam quartam ad historiae fidem recensamus; multa nobis occurrunt contraria, nobisque videmur modo in hoc, modo in alio tempore versari. Etenim, quae legimus de Philippo, Cardianis auxilia mittente, ad annum tertium Olympiadis cix sunt referenda, quo anno Orationes de Chersoneso et Philippica tertia habitae sunt. Eadem dicere possumus de eo, quod Dionysius Halicarnasensis tanquam huius Orationis peculiare argumentum prodidit, Philippum scilicet

ad-

adversus Byzantium profectum esse. Et quae hac de re narrantur, iisdem quoque verbis in Oratione de Chersoneso inveniuntur. Sed si ea, quae de legatione ad Persarum Regem mittenda (oo) dicit Orator, recte reputemus, non possumus, quin Demostheni consilia Philippi contra Persas militandi iam plana atque patefacta esse credamus. Nolui igitur hunc Orationis locum praetermittere, ubi haec memorantur (pp) *πρῶτον μὲν γὰρ, οἷς βασιλεὺς πιστεύει, καὶ εὐεργέτας ὑπέιληφεν αὐτοῦ, οὗτοι μισοῦσι καὶ πολεμικοῖσι Φιλίππῳ. ἔπειθ', ὁ πρῶττων καὶ συνειδώς ἄπανθ', ὅσα Φίλιππος κατὰ βασιλείῳ παρασκευάζεται, οὗτος ἀνάρπαστος γέγονε, καὶ πάσας τὰς πράξεις βασιλεὺς, εὐχὴ ἡμῶν κατηγορούντων ἀκούσεται, οὗς ὑπὲρ τοῦ συμφέροντος ἂν ἡγήταιτο τοῦ ἰδίου λέγειν, ἀλλὰ τοῦ πράξαντος αὐτοῦ καὶ διοικούντος· ὥτ' εἶναι πιστὰς τὰς κατηγορίας, καὶ λοιπὸν λόγον εἶναι τοῖς παρ' ἡμῶν πρέσβεσιν, ὃν βασιλεὺς ἥδιστα ἂν ἀκούσαιο, ὥς τὸν ἀμφοτέρους ἀδικούντα κοινῇ τιμωρήσασθαι δεῖ. καὶ ὅτε πολὺ τῷ βασιλεὶ φεβρώτερός ἐσθ' ὁ Φίλιππος, ἂν πρότεροις ἡμῶν ἐπίθῃται· εἰ γὰρ ἐγκαταλειπόμενοι τι πεισόμεθα*

(oo) Ph. IV. p. 139.

(pp) Ph. IV. p. 139. l. 21 ad p. 140, l. 21.

μεθα ἡμεῖς, αἰδεῶς ἐπ' ἐκεῖνον ἤδη πορεύσεται. ὑπὲρ δὴ τούτων ἀπάντων οἶομαι δεῖν ὑμᾶς πρεσβεῖαν ἐκπέμπειν, ἣτις τῷ βασιλεῖ διαλέξεται καὶ τὴν ἀβελτερίαν ἀποθέσθαι, δι' ἣν πολλάκις ἡλαττώθητε. ὁ δὲ βάρβαρος καὶ κοινὸς ἅπασιν ἐχθρὸς, καὶ ἅπαντα τὰ τοιαῦτα ἐγὼ γὰρ ὅταν ἴδω τινὰ τὸν μὲν ἐν Σούτοις καὶ ἐν Ἐκβατάνοις δεδαικότα, καὶ κακόνουν εἶναι τῇ πέλει Φάσκοντα, ὃς καὶ πρότερον συνεπηνόρθωσε τὰ τῆς πόλεως πράγματα, καὶ νῦν ἐπηγγέλλετο· εἰ δὲ μὴ ἐδέχεσθ' ὑμεῖς, ἀλλ' ἀπεψηφίζεσθε, οὐ τὰ γε ἐκείνου αἵτια· ὑπὲρ δὲ τοῦ ἐπὶ ταῖς θύραις ἐγγὺς οὕτως, ἐν μέσῃ τῇ Ἑλλάδι αὐξανομένου ληστοῦ τῶν Ἑλλήνων, ἄλλό τι λέγοντα· θάυμάζω, καὶ δέδοικα τοῦτον, ὅστις ἂν ἦ πότε, ἐγὼ γ', ἐπεὶ οὐχ οὗτος Φίλιππον. i. e. quod igitur reliquum et iam dudum factum oportuit, sed neque nunc serum est, id dicam. Nihil omnium rerum, ad ea negotia, quae instant Reipublicae, perinde est opus, ac pecunia. Ultro autem res prosperae evenerunt, quibus si recte utamur, fortassis etiam nunc ea, quae necessaria sunt, perfici poterunt. Primum enim, quibus Rex Persarum fidem habet, quosque de se bene meritos esse putat: hi oderunt et bello infestant Philippum. Deinde qui adiutor

D

et



et conscius fuit omnium Philippi contra Persarum Regem apparatusum, is abreptus est, et omnem rem non nobis accusantibus Rex audiet, quos propter privatam utilitatem verba facere putaverit; sed ex eo, qui ipsa egit et administravit. Quare fides habebitur accusationibus et ea vestris legatis reliqua erit oratio, qua Rex maxime delectabitur, eum, qui utrosque laeserit, communiter esse ulciscendum: et Regi multo fore formidabiliorem Philippum, si nos priores invaserit: si quid enim nobis derelictis acciderit, intrepide in illum esse impetum facturum. Propter haec omnia censeo legatos esse mittendos, qui cum Rege colloquantur, et dementiam istam deponendam, quae vobis saepe detrimento fuit: barbarus enim est et communis omnium hostis et reliqua eius generis omnia. Ego enim quum video esse quosdam, qui illum, qui Susis et Ecbatanis degit, metuant et Reipublicae male velle dicant: qui prius etiam ad Rempublicam nostram erigendam adiutor fuit, et nunc illud pollicitus est, (quod si vos non accepistis, sed decreto repudiastis, per il-

illum quidem non fletit); de eo autem, qui in foribus adeo, prope in media Graecia crescit, praedone Graecorum, aliud quid dicant: demiror, eumque metuo, quisquis Philippum non metuat.

Subobscura sunt quidem illa, nec iis, qui, quae deinde infecuta sunt, tum ignorabant, ad intelligendum facilia; posterius vero, qui et antecedentia et consequentia noverunt, ne dubitare quidem possunt, quin Orator Philippi consilia perspexerit et hoc loco respexerit. Nunc inquirendum est, an Demosthenes illo tempore, quo ea, quae in hac oratione memorantur, accidebant, aut certum habere aut coniectura augurari potuisse, Macedonum Regem talia cepisse consilia. Initio huius Disertationis brevem narrationem rerum gestarum civitatum Graeciae et Philippi ab anno primo Olympiadis cVIII ad annum quartum Olympiadis cIX dedimus, quo anno haec oratio, si genuina existimaretur, habita esset; quam narrationem hic repetere supervacaneum sit.

Restat igitur, ut ea, quae ab hoc tempore usque ad pugnam apud Chaeroneam a Philippo gesta sunt, paucis indicemus.

Anno Olympiadis cix ultimo, Philippus, Selymbriam et Perinthum obsidens, Atheniensium classem, quae apud Selymbriam erat, intercipit. (qq) Diodorus Siculus (rr) narrat, Persarum Regem Darium Ochum Perinthis auxilio misisse Asiae Satrapas, quorum ope se contra Philippum defenderent. Arrianus, scriptor rerum gestarum Alexandri Macedonis, eum in Epistola ad Darium Codomannum scribentem facit, unam esse causam bellum ei inferendi, quod eius decesfor Perinthis, cum patre suo bellum gerentibus, auxilia misisset. Iniustus sane aliena appetens nunquam caret praetextu, quo iniuriae iustitiae speciem conciliet; sed hinc non continuo colligi debet, Philippum iam tunc in animo habuisse, nedum consilia palam ostendisse, aliquando Persarum regnum aggredi. Multa enim ei impedimento erant, quae de medio tollere debebat, priusquam talia consilia perfici posse speraret.

Philippus quidem, ut ad historiam redeamus, a Perintho repulsus contra Byzantium profi-

---

(qq) Dem. Or. de Corona p. 251.

(rr) Diod. Siculus xvi. 75.

ficiscitur. Sequenti anno (ss), Demosthene et Phocione auctoribus, Athenienses classem centum et viginti navium, cui eundem Phocionem praeficiunt, in Propontidem mittunt, ut Byzantinis auxilio veniat. Illo in portum Byzantii recepto, Philippus obsidionem solvere cogitur. Phocion deinde omnes naves Macedonicas intercipit et nonnullas adeo urbes occupat, quas Philippus in suam potestatem redegerat. Nunc tota regni Philippi maritima pars sociorum navibus et copiis interclusa erat, (tt)

Macedonum Rex, ob frustrata consilia valde iratus, Atheniensibus bellum indicit; sed quomodo hoc bellum gesferit, propter scriptorum penuriam nescimus. Aut nihil omnino, aut nihil memoratu sane dignum ab eo contra Athenienses actum esse inde liquet, quod sequenti anno (uu), ut narrat Justinus (vv), bellum gesferit cum Triballiis et Scythis, qui

D 3

po-

---

(ss) Olymp. cx. 1.

(tt) Dem. Or. de Corona p. 255.

(uu) Olymp. cx. 2.

(vv) Justinus ix. 2. Cf. Aeschines C. Ctesiph. p. 519 et Dem. de Corona p. 240.

populi saepius contra illum rebellaverant, quandocumque eum alieno bello implicitum viderent. At anno praecedenti (*ww*) Aeschines aut inconsiderate aut de industria bellum facrum secundum contra Amphisfaeos excitaverat, cui tandem Amphictyonum decreto Philippus praeficiebatur. Ille morae impatiens eodem mense cum exercitu triginta millium militum in Graeciam proficiscitur, Amphisfaeos ex Amphictyonum decreto punit, ibique exercitum in hiberna dimittit. Vere accedente (*xx*) castra movet; quo nuncio commoti Athenienses bis inducias ab eo petunt. Philippus autem, postquam Athenienses iusserat Demagogos in exilium mittere, cum Thebanis agit et usque ad Elateam progreditur. — Sequenti anno (*yy*) Thebani cum Atheniensibus contra Philippum se coniungunt eique transitum per Boeotiam recusant. Eiusdem anni die septimo Metageitnion, pugna apud Chaeroneam committit-

---

(*ww*) Olymp. cx. 1.

(*xx*) 25 Elaphebolion (Martis)

(*yy*) 3 Aprilis.



mittitur; qui dies, ut ait Justinus (zz), universae Graeciae et gloriam dominationis et vetustissimam libertatem finivit.

Anno sequenti demum (aaa) Philippus Graeciae civitates Corinthum convocat, ubi Graecorum Imperator in expeditione contra Persarum Regem creatur.

Quis igitur mecum non agnoscit, Philippum eo tempore, quo Graeciae civitatum vires, Atheniensium in primis, nondum fractae erant, etiamsi in animo habuisset consilium Persarum regnum invadendi, tamen non palam facturum fuisse, se Persarum Regem esse aggressurum. Plane autem alia rerum conditio est paullo ante pugnam apud Chaeroneam. Ipsi Graeci bello sacro Philippum praeficiendo mutuam discordiam et debilitatem ostenderant, ipsumque Regem in mediam Graeciam vocaverant. Quum igitur Athenienses, Philippo in Graecia manente adeoque cum exercitu procedente, eius consilia detegerent, tum demum Oratores ea dicere atque suadere poterant, quae ex hac oratione attulimus. Ali-

---

(zz) ix. 5.

(aaa) Olymp. cx. 4.

Aliena igitur hic sunt et cum temporibus non conveniunt; quare hoc etiam ad argumenta pertinere arbitrati sumus, quae aperte ostendunt, hanc Orationem e diversis orationibus, nulla temporum habita ratione, conflata esse.

---

#### ORATIONIS NEXUS INTERNUS.

Hucusque causas externas enumeravimus, quae nos induxerunt ad Philippicam quartam Demostheni abiudicandam. Nunc iuvat Orationis nexum internum Lectoribus exponere, quo facto non dubitamus, quin nostrae sententiae nisi exploratam veritatem, maximam tamen verisimilitudinis speciem conciliaverimus. Quod supra diximus, huc etiam referendum est, non certum quoddam consilium apparere, quod exsequi voluerit orator.

Initio Atheniensium ignaviam reprehendit eamque tanquam causam omnium malorum depingit: (bbb) deinde ostendit, duas esse factiones in Graeciae civitatibus, alteram, quae nec ipsa regnare cupit, nec vero alii cuiquam

fer-

---

(bbb) Ph. iv. p. 131 ad 132, 1, 13.

servire, sed in libertate et in legibus ex aequo vivere; alteram, quae quidem civibus suis imperare studeat, alii vero (scilicet Philippo), per quem se illud esse impetraturam existimet, obtemperare non recuset. (ccc) Athenienses iterum socordiae insinuat et omnes urbes recenset, quae iis per ignaviam a Philippo post pacem ereptae essent, inter quas nominatim Serrium et Doriscum citat, quibus neglectis, licet ignobiles sint, Thraciam et Cersobleptem socium Atheniensium perdidissent. Hanc negligentiam observans, Philippus Porthmum (ddd) delevit et tyrannidem constituit in Euboea, parum adeo absuit, quin Megara potiretur: Antronas (eee) emit et paullo post Oreum (fff) cepit. Multa, inquit, praetermitto, Pheras, (ggg) expeditionem contra (hhh) Ambraciam, caedes in Elide et sexcenta alia. (iii)

His-

---

(ccc) p. 132. l. 13. ad p. 132. l. 28.

(ddd) Oppidum in Euboea.

(eee) Thesfaliae urbem in Phiotide.

(fff) Oppidum in Euboea.

(ggg) Thesfaliae oppidum in Phiotide.

(hhh) Thesprotiae Epiri urbem.

(iii) Ph. iv. p. 132. l. 28. ad p. 134. l. 10. De captis urbibus omnia, sed multo copiosius, dixit Dem. Or. Ph. iii. p. 116, 117, 118, 119 etc.

Hisce memoratis, Atheniensibus demum probat, pacem a Philippo esse ruptam, eumque Democratiae esse inimicum et omnia, quae nunc faciat, contra Atheniensium civitatem facere (*kkk*); non igitur necesse esse Philippo bellum indicere, sed eum potius reprimere et coercere (*lll*); ut illud rite perficiatur, opus esse pecunia, militibus, navibus, ceteroque bellico apparatu. Quomodo haec sibi comparare possint, docet orator, eosque iterum ab ignavia, discordia, animi levitate revocare studet. Perspicue enim demonstrat, oportere Athenienses arcere Philippum; quod nisi faciant, brevi iis necessitatem impositum iri, eum a suis moenibus defendendi. Opportune illos, hisce monitis, obsecrat, ut omnem ignaviam deponant et alacriter officia praestent (*mmm*). Tunc rursus reprehendit ignaviam et decies repetita querela lectoribus adeo bilem ac nauseam movet.

---

(*kkk*) p. 134. l. 10. ad p. 136. l. 1.

(*lll*) p. 136. l. 1. ad p. 136. l. 19.

(*mmm*) Haec orationis pulcherrima pars p. 134. l. 10. ad p. 138. l. 23. paucis mutatis, ut infra ostendemus; ex Orat. de Chersoneso desumpta sunt.

vet. (*nnn*) Sequitur, quam supra explicavimus, ratio de legatione ad Persarum Regem, (*ooo*) et consilium de pecunia militari, (*ppp*) de qua singulari Sectione diximus. — His expositis, Orator caeteras explicat causas, quae civitati iam diu nocuerant. Demagogos accusat, qui Atheniensibus persuaferant, rem esse omnium difficillimam, exercitum alere, quo sociis oppressis auxilium ferant. Inde factum esse, ut alius (Philippus) principatum obtinuerit, Athenienses vero propter socordiam in maximis periculis versentur. Quo magis haec civibus persuadeat, priora tempora cum praesentibus comparat, concordiam, qua olim universi Graeci Persarum Regi restiterant, cum discordia, qua nunc tota Graecia dividitur, quandoquidem unaquaeque civitas privata commoda quaerit, universam vero Graeciae salutem negligit. Hanc partem ita finit, ut iis de-

---

(*nnn*) p. 138. l. 23. ad p. 139. l. 17, Hic Orator eandem sententiam persequitur, quam Dem. Or. de Chersf. p. 102. in fine etc. at infra p. 145. in fine Orator eadem verba usurpat, quae Dem. l. c.

(*ooo*) p. 139. l. 17. ad p. 140. l. 26.

(*ppp*) p. 140. l. 26. ad p. 143. l. 8.



denuo ignaviam exprobret. (qqq) Iterum Atheniensibus auctor est, ut Philippum ulciscantur, iisque demonstrat. Philippum revera pacem rupisse. (rrr) Tum acerbe et contumeliose in Aristodemum quendam invehitur. (sss)

Ea etiam, quae versus finem huius Orationis dicuntur, Demosthenis ingenio plane sunt indigna: πολλὰ τοίνυν ἔχων ἔτι καὶ περὶ πολλῶν εἰπεῖν, παύσομαι i. e. Et si autem habeo praeter ea, quae dicam multa, et de multis: desinam. Quaecumque ad rem omnino pertinebant, ea Demosthenes semper contrahere poterat; sed haec periodus ideo est ab auctore addita, quo melius aliquot sententias e Demostheneis repetere posset; quo facto, praeclare ita operi suo finem imponit: ταῦτ' ἐστὶ τ' αληθὴ μετὰ πάσης παρρησίας, ἀπλῶς εὐνοίᾳ, τὰ βέλτιστα εἰρημένα, οὐ κολακείας, καὶ βλάβης, καὶ ἀπάτης λόγος μεστός, ἀεγύριον μὲν τῷ λέγοντι ποιήσαν, τὰ δὲ πράγματα τῆς πόλεως τοῖς ἐχθροῖς ἐγχειριῶν. ἢ οὖν παυστέον τοῦ-

---

(qqq) a. p. 143. l. 8. ad p. 145. l. 29.

(rrr) a. p. 145. l. 29. ad p. 150. l. 5. Haec omnia iisdem verbis ex Dem. Orat. de Cherson. desumpta sunt, ut infra ostendemus.

(sss) a. p. 150. l. 5. ad p. 151. l. 7.

τούτων τῶν ἐθῶν, ἡ μηδένα ἄλλον αἰτιατέον τοῦ πάν-  
τα φαύλως ἔχειν, ἡ ὑμᾶς αὐτούς. i. e. Haec ve-  
ra sunt magna cum libertate, simpliciter, ex  
benevolentia rectissime dicta: non assentationis  
et detrimenti et imposturae plena Oratio, ar-  
gentum allatura dicenti, Reip. negotia hosti-  
bus traditura. Aut igitur a talibus moribus  
est recedendum: aut depravatio et clades re-  
rum omnium tribuenda nemini, nisi vobis  
ipsis.

Facile colligitur ex iis, quae diximus, hanc  
Orationem non cohaerere, sed ex meris cento-  
nibus constare. Nunc videamus, quomodo ex  
tot centonibus Orationem confecerit auctor.

Prima pars, quae in iustis Orationibus exor-  
dium sive proöemium vocatur, pertinet usque  
ad verba οὐδὲν γὰρ δεῖ πλείω περὶ αὐτῶν λέγειν. (ttt)  
Quae sequitur particula τοί γάρ τοι, plane est  
supervacanea, nec adesset, nisi diversi panni  
essent consuendi. Post verba δεῖ δ' ὁμῶς εἰπεῖν  
ἵ τι χρὴ ποιεῖν (uuu) quisque expectat, Orato-

tem

---

(ttt) p. 132. l. 11.

(uuu) p. 134. l. 9.

rem omnia dicturum esse, quae Athenienses facere oporteat ad Philippum arcendum; sed omnia alia invenit: denno enim demonstrat Orator, Philippum pacem rupisse. Sic etiam verba τὸ μὲν τοίνυν (vvv) nullam habent vim. Ubi accedit ad consilium de mittenda legatione ad Regem Persarum, his verbis ὁ δὲ λοιπὸν ἔστι (www) caet. utitur, quae nec requirebantur, nec etiam apta sunt, quandoquidem deinde alia addit. Et ea, quae praetermisimus πρὸς δὲ τοῦτοις τοσούτοις οὖσιν (xxx), etiam abesse deberent; sed adfunt, ut locus ex Philippica secunda, quem infra citabimus, cum loco ex Oratione de Chersoneso quacumque demum ratione coniungatur. Eadem ratio est particulae καὶ τοι (yyy), quae quid hoc loco significet, plane nescius sum. Ex inficeta imitatione, qua auctor hoc loco usus est, haud dubie apparet interpolatio. Nam in Oratione de

---

(vvv) p. 138. l. 23.

(www) p. 139. l. 16.

(xxx) p. 134. l. 29.

(yyy) p. 150. l. 5.

de Chersoneso Demosthenes (zzz) aliquem inducit, qui eum ut ignavum reprehendat, et hac inductione utitur, ut opportunitatem habeat, sua in Remp. merita sine ostentatione et iactantia civibus suis in memoriam revocandi, iisque simul persuadendi, ut ei, qui tam multa pro Rep. fecerit, tuto confidere possint, quandocumque de salute patriae agatur. — At plane alia ratio est in Philippica quarta, ubi Aristodemum (aaaa) quendam alloquitur, et in eum acerbissima convicia ingerit. Quid? Demosthenes, qui ne in Oratione quidem ad iudices Aeschini acerbissimo inimico talia exprobrat, in concione ad populum, ubi de salute Reip. verba faciebat, civem Atheniensem ita perstrinxisset?

Iure meo iam concludere mihi posse videor, licet veteres de hac Oratione, quod sciam, non dubitaverint, Valckenaerii Wolffique, summorum virorum, iudicium, quod in Praefatione memoravimus, omnino esse comprobandum, adeoque  
hanc

---

(zzz) Dem. Or. de Ch. p. 106. l. 20.

(aaaa) De Aristodemo vid. Ulpianus in Ph. iv.

hanc Orationem a Lucchesinio recte vocatam  
esse Emblema vermiculatum.



LOCA EX ALIIS DEMOSTHENIS ORATIONIBUS IN  
PHILIPPICAM QUARTAM TRANSLATA.

Saepius in hac Disfertatione diximus, quod  
iam Ulpianus notavit, (bbbb) multa ex Ora-  
tione de Chersoneso in hanc Orationem esse  
transcripta; sed nemo, quod quidem sciam,  
omnes locos accurate indicavit. Utraque Ora-  
tione rite inter se collata deprehendi, dimidiam  
paene partem Philippicae quartae, paucis mu-  
tatis, ex centonibus Orationis de Chersoneso  
constare. In alio praestantissimo Philippicae  
quartae loco, (cccc) ubi de pristino statu ci-  
vitatatis Atheniensium et totius adeo Graeciae  
loquitur auctor, non dubito, quin Demosthenis  
Olynthiacam secundam, quae in Editionibus  
tertia est, ob oculos habuerit. (dddd) Pauca  
eti-

---

(bbbb) Ulp. En. Ph. iv. p. 48. B.

(cccc) Ph. iv. p. 143. l. 10. p. 144. 145. — Olynth. F  
p. 34. l. 15. p. 35. 36.

(dddd) Olynth. F p. 34. l. 15. p. 35. 36.



etiam, quae ad verbum ex Orationibus de Pace et Philippica secunda desumpta sunt, addemus.

Erunt fortasse, qui mihi objiciant, quosdam locos in alias Orationes, de quarum auctoritate nemo dubitavit, esse transcriptos. Verum hoc esse non diffiteor, veluti in Oratione contra Timocratem (eeee), eadem contra Androtionem dicuntur, quae iam in Oratione contra ipsum Androtionem (ffff) inveniuntur. Ibi vero ipse rerum ordo et Oratoris consilium hanc repetitionem non tantum patiebatur, sed omnino postulabat; neque adeo ipsa verba sunt repetita, ut non passim pro rei natura apte variaverit Orator. Sic etiam in Olynthiaca tertia (gggg) descriptio pristini et praesentis status Atheniensium civitatis paene eadem invenitur, atque in Oratione contra Aristrocratem, tribus annis ante habita; quae vero in neutra Oratione praetermitti poterat.

Non

---

(eeee) Dem. Or. c. Timocr. p. 755—758.

(ffff) Dem. Or. c. Androt. p. 615—618.

{gggg} Dem. Olynth. 111. p. 35.

Non dicam de iis locis, in quibus Demosthenes pauca verba antea iam dicta repetit, v. c. in Oratione de Chersoneso p. 106. l. 5. τοῖνυν μὲν ἐκ πτωχῶν κ. τ. λ., etiam inveniuntur in Orat. Olynth. 111. p. 56. l. 18. et in Orat. Phil. 111. p. 111. l. 25. τὸ χεῖριστον ἐν τοῖς παρεληλυθόσι κ. τ. λ. usque ad p. 112. l. 2. αὐτὰ γενέσθαι βέλτιω, paucis mutatis vel transpositis iam in Philippica prima dicta erant. Generatim enim observamus, Graecos Romanosque cum Oratores, tum Poëtas non tantopere abhorruisse ab eiusmodi repetitione, quae nostri temporis scriptoribus vitio daretur. Vid. de Euripidis more Valcken. ad Hippolytum, Vss. 455, 885 et 1048.

Haec vero Philippica Quarta non continet quaedam aliunde desumpta et praesenti consilio adaptata, sed ea habet, quae, si nova sint, a proposito sunt aliena, vel integros locos aliunde contra historiae fidem desumptos, ut quasi vestis sit ex verficoloribus pannis temere confuta.

Quae Demosthenes anno praecedenti in Oratione de Chersoneso pulcherrime et opportuno tempore dixerat pag. 99. l. 15. πρῶτον μὲν,

ὡς ἄνδρες Ἀθηναῖοι κ. τ. λ. ad pag. 102. l. 21. ὃ μήτε  
γέναιτο οὔτε λέγειν ἄξιον, conveniunt cum Philip-  
pica Quarta p. 134. l. 10. ad pag. 138. l. 23.  
paucis vel omisfis vel mutatis, praeterquam  
quod ea, quae leguntur in Ph. IV. p. 134. l. 18.  
καὶ τοῦτ' ἐξ ἀνάγκης, κ. τ. λ. ad pag. 134. l. 27.  
δικαίως μισεῖν αὐτὸν ἡγεῖται, ex Demosthenis Ora-  
tione Philippica secunda p. 70. l. 3. ad p. 70.  
l. 14. desumpta sunt. Porro quae inveniuntur  
in Ph. IV. p. 139. l. 13. οἱ μὲν γὰρ ἄλλοι κ. τ. λ.  
ad p. 139. l. 16. μετὰ τὰ πρῶτα, iisdem ver-  
bis a Demosthene pronunciata sunt in Orati-  
one de pace p. 57. l. 10. seqq. Demosthenes  
in Oratione de Chersoneso p. 102., ut supra  
diximus, opportune desidia et socordiam  
Atheniensium notat, et auctor Ph. IV. p. 138.  
idem facit, sed aliis verbis; nihilominus tamen  
ea, quae in Oratione de Chersoneso p. 102. l.  
23. ἀλλ' ἐπειδάν τι τῶν πρὸς Φίλιππον ἐμπέσῃ κ. τ. λ.  
ad p. 150. l. 5. οὐδενὸς αὐτοῦς ἀδικοῦντος legun-  
tur, auctor Ph. IV., paucis iterum omisfis et  
mutatis, ad verbum transcripsit p. 145. l. 19.  
ad p. 150. l. 5.



DE RELIQUIS ORATIONIBUS, QUAE DE-  
MOSTHENI ABIUDICANTUR.

Ne quis forte opinetur, Philippicam Quar-  
tam solam esse Demosthenis Orationem, de cu-  
ius auctoritate dubitatum sit, hic quaedam ad-  
dicere placet de iis Orationibus, quae non tan-  
tum ex recentiorum opinione, sed etiam a ve-  
teribus, Dionysio Halicarnassensi, Harpocra-  
tione, Libanio aliisque falsae atque suppo-  
sitionis habitae sunt.

Primo loco venit *περὶ συνταξέως λόγος*, quae  
Oratio a Dionysio Halicarnassensi in Epistola  
ad Ammaeum, ubi omnes Demosthenis Orati-  
ones publicas recenset, praetermissa est; ex  
quo silentio concludere possumus, Dionysium  
hanc Orationem aut inter Demosthenis opera  
non invenisse, aut illam tanquam istius inge-  
nio indignam reiecisse. F. A. Wolfius (*hhhh*)  
V.C. hanc Orationem ex Olynthiaca tertia et  
Oratione contra Aristocratem esse conflata  
pronunciat. — His merito addi debet Albertus  
Ger-

---

(*hhhh*) Proleg. ad Or. Lept. p. cxxiv.

Gerhardus Beckerus, vir eruditissimus (iiii), qui in libro, cui titulus est Introductio Historico-Critica ad Demosthenis opera, optime de hoc Oratore meritus est. Dionysius etiam alio loco eam non a Demosthene scriptam esse dicit (kkkk). Sic etiam περὶ τῶν πρὸς Αλέξανδρον συνθήκων λόγος a Libanio in huius Orationis argumento hisce verbis ὁ δὲ λόγος ψευδεπίγραφος εἶναι δοκεῖ i. e. haec Oratio supposititia esse videtur, Demostheni abiudicatur.

Idem Libanius dicit, Orationem de Halonesso sibi non Demosthenis opus videri, et illam iam a veteribus Hegesippo tributam esse addit (llll). Epistola Philippi et Oratio adversaria a J. J. Reiskio (mmmm) V.C. et L. C. Valckenaerio (nnnn), summo viro, indignae censentur ea tempestate, atque tempore, quae

prae

(iiii) G. A. Becker, Demosthenes als Staatsmann und Redner. p. 254. seqq.

(kkkk) Dion. Hal. περὶ τῆς Δημ. δεινότητος p. 197. l. 12.

(llll) Liban. in argum. h. Or.

(mmmm) Reisk. anim. ad Demosth. p. 76.

(nnnn) L. C. Valcken. Orat. de Philippo. p. 270.



prae se ferunt; et Taylorus hac de re dicit:  
 „ Mihi fides huius Orationis valde suspecta est  
 propter locos communes, quibus referta est.  
 Imo tota paene confarcinata est ex Philippicis  
 et Olynthiacis.”

De Orationibus contra Aristogitonem sen-  
 tentiae criticorum ita discrepant, ut alii utram-  
 que probent, veluti Harpocratio (oooo), Lon-  
 ginus (pppp), Plinius (qqqq), Photius\*; alii se-  
 cundam, sicuti Dionysius Halicarnasensis (rrrr),  
 alii primam, ut Casaubonus (ssss), Heraldus,  
 Duportus, Taylorus, Beckerus (tttt), alii tan-  
 dem utramque abiiciant, veluti Pollux (uuuu),  
 et adeo Harpocratio (vvvv) sibi ipse contra-  
 dicens.

De

---

(oooo) Harp. voce Ἐνδειξις p. 147.

(pppp) Longin. de sublim. § 27.

(qqqq) Plinius Epist. ix. 26. -- (\*) Cod. ccxlv.

(rrrr) Dionys. Hal. περὶ τῆς Δημοσθένους δεινότητος p.  
 197. l. 29, 30.

(ssss) Casaub. ad Theophr. p. 90. ed. Fisch.

(tttt) l. l. p. 401, 402.

(uuuu) Pollux x. 54.

(vvvv) Voce Νεαλῆς. Simul notandum est, Harp. non  
 nisi uno loco Ἐνδειξις de utraque Oratione locu-  
 tum esse.

De Oratione five delatione (ένδειξις) contra Theocrinen Libanius tradidit, plurimos illam Dinarcho tribuisse, inter quos invenimus Harpocracionem (ωωωω) et Dionysium Halicarnasensem (xxxx). Ab eodem scriptore Oratio contra Neaeram Demostheni abiudicatur (γγγγ).

Beckerus παραγραφήν υπέρ Φορμίωνος per haud contemnenda argumenta non Demosthenis opus esse censet (zzzz). Num Orationes in Nicofiratum (aaaaa), et in Timotheum a Demosthene re vera habitae sint, ab Harpocracione dubitatur.

Oratio de corona praeturae navalis a Beckero (bbbbbb) supposititia habetur.

De Oratione funebri (Επιτάφιος λόγος) Dionysius Halicarnasensis in opere περί τῆς Δημο-  
•Θέ-

[ωωωω] V. Θεσπρίνης.

(xxxx) Dion. Hal. de Dinarcho, p. 116.

(γγγγ) Dion. Hal. περί τῆς Δημ. δεινότη. p. 197. 3ο.

(zzzz) l. 1. 433.

(aaaaa) Vocc. ἀπογραφή, κακοτεχνιών.

(bbbbbb) l. 1. p. 465.

οὐθένους δεινότητος (cccc) dicit, hanc Orationem Demostheni non esse tribuendam, sed in alio eiusdem opere τέχνη (ddddd), ubi Epitaphiorum exemplaria laudat, Demostheni quoque principem locum tribuit.

Tandem venit ἑρώτικος λόγος, qui a Libanio Demosthenis ingenio indignus iudicatur, cui Beckerus (eeee) etiam assentitur.

Tredecim igitur Orationes, quae vulgo Demostheni tribuuntur, enumeravimus, de quarum auctoritate aut a veteribus, aut a recentioribus dubitatum est. Equidem haec scribens non meam sed aliorum sententiam protuli; neque igitur, ubi alii ab hac opinione de nonnullis orationibus dissentiant, meum erit, scriptorum, quos citavi, sententiam defendere; sed necesse mihi visum est, pauca de dubiis Demosthenis Orationibus dicere, quia haec pertinent ad argumenta externa, quibus sententia mea in Oratione Philippica Quarta Demostheni abiudicanda corroboratur. Mirum sane videri possit, neminem

---

(cccc) p. 178. l. 16.

(ddddd) p. 30.

(eeee) l. l. p. 483.

nem inter veteres criticos de auctoritate huius Orationis dubitasse; etenim Dionysius Halicarnasensis, Hermogenes, Harpocratio illam commemoraverunt; sed hic repetenda sunt, quae (pag. ix.) diximus, dolendum esse, quod commentariis Alexandri, Diocori et Zenonis careamus, qui mihi quidem videntur de hac oratione dubitasse. Ulpianus enim non tantum horum Grammaticorum iudicia, quae tamen reticet, contemnit, eosque saepissime ignorantiae infimulat, sed etiam locum affert, ex quo haud obscure patet, eos huius Orationis auctoritatem in dubium vocasse. De pecunia theatralli loquens dicit ὥρθησαν (οἱ πρὸ ἡμῶν. κ.τ. λ.) ἐμπεπτωκέναι τὸ περὶ τῶν θεωρικῶν ζητήματι τῆς παρούσης ὑποθέσεως ἀλλότριον, i. e. Opinati sunt (scilicet, qui ante nos hanc orationem exposuerunt) quaestionem theatralem ab hoc argumento aliena incidisse. In Sectione, Θεωρικὰ inscripta, Libanii sententiam praetermisimus, quae memoratu dignissima quum sit, illam hic referre operae pretium duxi. In argumento Orationum Olynthiacarum sic scribit: „Loquitur, (Demosthenes) etiam de pecunia theatralli.”

Post brevem huius pecuniae historiam haec addit: προῆλθε δὲ εἰς τοσοῦτον, ὥστε οὐκ εἰς τοῦτο μόνον ἐλάμβανον, ἀλλὰ ἀπλῶς πάντα τὰ δημόσια χρήματα διενέμοντο· ὅθεν καὶ περὶ τὰς στρατείας ὀνηροὶ κατέστησαν· πάλαι μὲν γὰρ στρατευόμενοι μισθὸν παρὰ τῆς πόλεως ἐλάμβανον· τότε δὲ, ἐν ταῖς θεωρίαις καὶ ταῖς ἐορταῖς οἵκει μένοντες, διενέμοντο τὰ χρήματα. οὐκ ἔτι οὖν ἤθελον ἐξιέναι καὶ κινδυνεύειν i. e. Quae consuetudo inde orta eo usque procesfit, ut illam non eo nomine dumtaxat acciperent, sed prorsus omnem pecuniam publicam distribuerent. Unde etiam ad militiam segnes facti sunt. Quam enim pecuniam olim propter expeditiones stipendii nomine accipiebant: eam tum in spectaculis et festis domi partiebantur. Nolebant igitur iam ad bellum exire et subire pericula.





# THESES.

## I.

*Praeclare Demosthenes Ph. III. p. 114. l. 23. seqq.* τὸ δ'εὐσεβὲς καὶ τὸ δίκαιον ἂν τ'ἐπὶ μικροῦ τις, ἂν τ'ἐπὶ μείζονος παραβαίνει, τὴν αὐτὴν ἔχει δύνάμιν.

## II.

*Demostheni as sentior dicenti Olynth. II. p. 20. l. 27. seqq.* οὐ γὰρ ἐστὶν — ἀδικοῦντα, καὶ ἐπιорκοῦντα, καὶ ψευδόμενον, δύναμιν βεβαίαν κτήσασθαι, ἀλλὰ τὰ τοιαῦτα εἰς μὲν ἅπαξ καὶ βραχὺν χρόνον ἀντέχει· καὶ σφόδρα γε ἥνθησεν ἐπὶ ταῖς ἐλπίσιν, ἃς τύχη· τῷ χρόνῳ δὲ φωρεῖται, καὶ περὶ αὐτὰ καταρρεῖ.

## III.

*Demosthenem in omnibus suis actionibus*  
πα-

*patriae salutem libertatemque unice spectasse, contendimus.*

IV.

*Naturam ducem secutus in dicendo fuit Demosthenes; artem naturae adiunxit Cicero.*

V.

*Verissime Cicero de Natura Deor. 1, 2. „Pietate adversus Deos sublata, fides etiam et societas generis humani et una excellentissima virtus, justitia tollitur.”*

VI.

*Senatus Romanus, libera republica, iuris condendi potestatem non habuit.*

VII.

*Tragoedia Graecorum plurimum valuit ad mores civium emendandos, atque eloquentiae et poëseos studium excolendum.*

VIII.

*Spectaculi apud Romanos gladiatorii crudelitas nullo modo excusari potest.*

IX.

*Eiusmodi esse debet doctrina morum, ut omnes omnino eam eatenus intelligere possint*  
ho-

*homines , quatenus unusquisque pro sua conditione necesse habeat.*

X.

*Recte disputat Muretus in Orat. de laud. literarum : Civibus iura describere ; quantum cuique tribuendum sit , intelligere ; civium inter se disfidia componere ; legationes cum laude gerere ; praeterita tenere , futura prospicere ; quid in omnibus rebus factu optimum sit , videre , et ex aliis alia colligere ; verbo , in Reipublicae puppi sedentes clavum tenere vix alios viros posse , nisi qui tantorum munerum partes ex literarum disciplinarumque liberalium fontibus hauserint ac didicerint.*

XI.

*Quamvis fortasse quaedam philosophiae partes Barbaris antea cognitae fuerint , quam Graecis , nulla tamen earum gentium universum philosophiam ita pertractavit et excoluit , prouti philosophi Graeci.*

XII.

*Si de Orationis facultate quaeritur , nos quidem gratam quandam Orationis negligentiam esse , contendimus.*

XIII.

XIII.

*Latinae linguae sine Graecae linguae scientia nemo bene peritus esse potest.*

XIV.

*Verissima est Ciceronis sententia Epp. ad Q. Fratrem l. 1. §. 8. Cyropaedium Xenophontis non ad historicam fidem, sed ad effigiem iusti imperii, esse conscriptam.*

XV.

*Vera Socratis doctrina minus e Platone, quam e Xenophonte cognosci potest.*

XVI.

*Nulla nobis satis idonea ratio apparet, quo minus probabilem iudicemus veterem et a doctis viris receptam opinionem, scriptiorem apud Graecos, Homeri certe tempore, non amplius ita raram fuisse, quin eius carmina scripto consignari potuerint.*

XVII.

*Qui Graeca hodieque sine accentibus edunt, ignorantiam rationis Grammaticae produnt.*

XVIII.

*Omnium in parentes delictorum poena,*  
*Iu-*

*Iure Attico, secundum legem τῆς κακώσεως  
universe fuisse videtur ἀτιμία.*

XIX.

*Errores eorum, qui poëtas scriptoresque  
Graecos contemnunt, inde maxime oriuntur,  
quod sua tempora in Antiquitatem transfe-  
runt.*

XX.

*E Choris, qui in festis Graecorum Bac-  
chicis habebantur, Tragoedia apud eos et  
Comoedia exstitit.*

XXI.

*Cum Diogene Babylonio contra Antipa-  
trum contendo; virum bonum, Alexandria  
Rhodum magnum frumenti numerum adve-  
hentem, in Rhodiorum inopia et fame sum-  
maque annonae caritate recte reticuisse, se  
scire, complures mercatores Alexandria sol-  
visse atque naves in cursu frumento onustas  
Rhodum petere.*







# E R R A T A.



|                                                                                   |               |                                                                          |
|-----------------------------------------------------------------------------------|---------------|--------------------------------------------------------------------------|
| <p>P. 2. l. 17. Philippus cum Athenienfibus expugnationem Phocidis communicat</p> | <p>} lege</p> | <p>{ Philippus Athenienfes certiores facit de expugnatione Phocidis.</p> |
|-----------------------------------------------------------------------------------|---------------|--------------------------------------------------------------------------|

- |    |       |       |                  |      |            |
|----|-------|-------|------------------|------|------------|
| P. | 4. l. | 13.   | subducit . . .   | lege | capit.     |
| —  | .     | - 24. | pālam . . .      | —    | palam.     |
| —  | 6.    | - 8.  | παρέργα . . .    | —    | πάρεργα    |
| —  | 7.    | - 17. | δέ . . .         | —    | δὲ         |
| —  | .     | - 18. | λήμματος . . .   | —    | λήμματος   |
| —  | .     | - 18. | δο . . .         | —    | δὲ         |
| —  | 9.    | - 10. | ὦ . . .          | —    | ὦ          |
| —  | 10.   | - 1.  | ἐπέμψε . . .     | —    | ἔπεμψε     |
| —  | ..    | - 2.  | χερσωνήσῳ . . .  | —    | χερρῶνῆσῳ. |
| —  | ..    | - 11. | ἀσέλγεια . . .   | —    | ἀσελγεια   |
| —  | ..    | - 16. | εἰσοήλει . . .   | —    | ἔεισοήλει  |
| —  | 11.   | - 14. | desumpta . . .   | —    | desumta    |
| —  | 12.   | - 24. | νεώτερον . . .   | —    | νεώτερον.  |
| —  | 13.   | - 10. | μικροῦ . . .     | —    | μικροῦ     |
| —  | ..    | - 13. | ἀφεστήκατε . . . | —    | ἀφεστήκατε |
| —  | ..    | - 13. | πραγμάτων . . .  | —    | πραγμάτων, |

P.

# E R R A T A.

- P. 32. l. 7. ἵνα . . . . . lege ἵνα
- .. - 11. τοῦς . . . . . — τοῦς
- 34. - 15. ἀποδώσε . . . — ἀποδώσε-
- 36. - 1. ἅ πάντες . . . — ἅπαντες
- 60. - 3. demonstrat. . . — demonstrat,
- 66. - 3. τολῶν μὲν ἐκ πτω- τοιγάρτοι τούτων μὲν  
χῶν κ. τ. λ. . — ἐκ πτωχῶν κ. τ. λ.
- 67. - 20. p. 150. l. 5. . — p. 102. l. 23.
- .. - 22. l. 19. . . . . — l. 29.
- 70. - 18. \*Cod. CCXLV. . — \*Cod. CCLXV.
- 71. - 9. contimnenda . . — contemnenda.









3 0112 105477977